



ՀՖՖ

ՄԱՆԿԱՊԱՏԱՆԵԿԱՆ

ՖՈՒՏԲՈԼԻ

ՄՐՑՈՒՄՆԵՐԻ ԱՆՑԿԱՑՄԱՆ

ԿԱՆՈՆԱԿԱՐԳ

ՄՐՑԱՇՐՋԱՆ 2025-2026

ԲՈՎԱՆԴԱԿՈՒԹՅՈՒՆ

ՀԱՊԱՎՈՒՄՆԵՐ ԵՎ ՀԱՍԿԱՑՈՒԹՅՈՒՆՆԵՐ	3
ԳԼՈՒԽ 1: ԸՆԴՀԱՆՈՒՐ ԴՐՈՒՅԹՆԵՐ	8
Հոդված 1. Կանոնակարգի առարկան, կիրառման շրջանակը և խնդիրները.....	8
Հոդված 2. Մրցումների նպատակը և խնդիրները	8
Հոդված 3. Մրցումների բարեկարգային համակարգը.....	9
Հոդված 4. ՀՀ գործառույթները.....	10
Հոդված 5. Մրցաշրջանի ընթացքում ակումբների պարտականությունները	11
Հոդված 6. Մրցումներին մասնակցության չափանիշները	14
Հոդված 7. Մրցումներին մասնակցության համար դիմելու կարգը	15
Հոդված 8. «Արդար խաղը» և գնահատման կարգը.....	15
Հոդված 9. Պարգևատրումը.....	16
ԳԼՈՒԽ 2: ՄՐՑՈՒՄՆԵՐԻ ԱՆՑԿԱՑՈՒՄԸ	18
Հոդված 10. Մրցումների վայրը	18
Հոդված 11. Մրցումների տարիքային խմբերը և անցկացման կարգը	20
Հոդված 12. Խաղացանկը և անցկացման ժամկետները	26
Հոդված 13. Խաղի անցկացման կարգը.....	27
Հոդված 14. Մրցաշարային աղյուսակում թիմերի դասակարգումը.....	28
Հոդված 15. Չկայացած և անավարտ խաղերը.....	29
Հոդված 16. Թիմերի չներկայանալը խաղին, առաջնություններին մասնակցությունից հրաժարվելը կամ առաջնություններից հեռացվելը	34
Հոդված 17. Վիճարկում	35
ԳԼՈՒԽ 3: ՄՐՑՈՒՄՆԵՐԸ ՍՊԱՍԱՐԿՈՂ ԱՆՁՆԱԿԱԶՄԸ	36
Հոդված 18. Սպասարկող անձնակազմի նշանակում	36
Հոդված 19. Սպասարկող անձնակազմի անդամների գործառույթները	36
ԳԼՈՒԽ 4: ՄԱՐԶԱԴԱՇՏԸ ԵՎ ԱՆՎՏԱՆԳՈՒԹՅՈՒՆԸ	38
Հոդված 20. Անվտանգության ապահովումը	38
ԳԼՈՒԽ 5: ԴԱՇՏԻ ՏԵՐ ԱԿՈՒՄԲԸ	41

Հոդված 21. Դաշտի տեր ակումբի պարտականությունները.....	41
ԳԼՈՒԽ 6: ԽԱՂԵՐԻ ԿԱԶՄԱԿԵՐՊՈՒՄԸ	42
Հոդված 22. Նախախաղային խորհրդակցությունը	42
ԳԼՈՒԽ 7. ՖՈՒՏԲՈԼԻՍՏՆԵՐԻ ԵՎ ԹԻՄԵՐԻ ԱՆՁՆԱԿԱԶՄԵՐԻ ՀԱՅՏԱՎՈՐՈՒՄԸ ԵՎ ՎԵՐԱՀԱՅՏԱՎՈՐՈՒՄԸ	43
Հոդված 23. Ֆուտբոլիստների և թիմի անձնակազմի հայտավորումը և վերահայտավորումը	43
ԳԼՈՒԽ 8: ՖՈՒՏԲՈԼԻՍՏՆԵՐԻ ԵՎ ԹԻՄԻ ԱՆՁՆԱԿԱԶՄԻ ՄԱՍՆԱԿՑՈՒԹՅՈՒՆԸ ԵՎ ՓՈԽԱՐԻՆՈՒՄԸ.....	50
Հոդված 24. Ֆուտբոլիստների և թիմի անձնակազմի մասնակցությունը	50
Հոդված 25. Խաղի արձանագրություն.....	55
Հոդված 26. Ֆուտբոլիստների փոխարինումները	57
ԳԼՈՒԽ 9: ՄԱՐԶԱՀԱԳՈՒՍԸ.....	59
Հոդված 27. Մարզահագուստի գույները	59
Հոդված 28. Խաղահամարները	59
ԳԼՈՒԽ 10: ԱԿՈՒՄԲԻ ԱՆՎԱՆՄԱՆ, ԻՐԱՎԱԿԱՆ ԽՄԲԻ ԿԱՌՈՒՑՎԱԾՔԻ ՓՈՓՈԽՈՒԹՅՈՒՆԸ ԵՎ ԻՐԱՎԱՀԱՋՈՐԴՈՒԹՅԱՆ ՃԱՆԱՉՈՒՄԸ	61
Հոդված 29. Ակումբի ինքնության և իրավական խմբի կառուցվածքի փոփոխությունը.....	61
Հոդված 30. Ակումբի ինքնության (ակումբի անվանում, թիմի անվանում, տարբերանշան, գույներ, իրավաբանական հասցե) փոփոխությունը և դրա գրանցումը ՀՖՖ-ում.....	61
Հոդված 31. Ակումբի վերակազմակերպումը կամ իրավական խմբի կառուցվածքի փոփոխությունները	63
Հոդված 32. Իրավահաջորդությունը	65
ԳԼՈՒԽ 11: ԵԶՐԱՓԱԿԻՉ ԴՐՈՒՅԹՆԵՐ	66
Հոդված 33. Վեճերի լուծումը	66
Հոդված 34. Այլ դրույթներ.....	66
ՀԱՎԵԼՎԱԾ 1: ԳԱՎԱԹԻ ԽԱՂԱՐԿՈՒԹՅՈՒՆՆԵՐ	67
ՀԱՎԵԼՎԱԾ 2: ՀՖՖ ՄԱՆԿԱՊԱՏԱՆԵԿԱՆ ՖՈՒՏԲՈԼԻ ՄՐՅՈՒՄՆԵՐԻ 2026-2027 ԹԹ. ՄՐՅԱՇՐՋԱՆՈՒՄ ԹԻՄԵՐԻ ԴԱՍԱԿԱՐԳՈՒՄԸ ԽՄԲԵՐՈՒՄ	69

ՀԱՊԱՎՈՒՄՆԵՐ ԵՎ ՀԱՍԿԱՑՈՒԹՅՈՒՆՆԵՐ

ՀՖՖ	«Հայաստանի ֆուտբոլի ֆեդերացիա» հասարակական կազմակերպություն
ՖԻՖԱ	Ֆուտբոլի միջազգային ասոցիացիաների ֆեդերացիա
ՈԻԵՖԱ	Ֆուտբոլի եվրոպական ասոցիացիաների միություն
ԻՖԱԲ	Ֆուտբոլի ասոցիացիաների միջազգային խորհուրդ
Ակումբ	Մարզական առումով ՀՖՖ-ի, ՖԻՖԱ-ի, ՈԻԵՖԱ-ի կանոնակարգերին և սահմանված կիրառելի և վերաբերելի նորմերին ենթարկվող ֆուտբոլային մարզական ակումբ (թիմ), որը մասնակցում է կամ ցանկանում է մասնակցել ՀՖՖ-ի հովանու ներքո անցկացվող ֆուտբոլային մրցումներին
Ակումբի պաշտոնյա	Ակումբի աշխատակից՝ բացառությամբ ֆուտբոլիստների և թիմի անձնակազմի անդամների, ով ֆուտբոլային ակումբի հետ գտնվում է աշխատանքային հարաբերությունների մեջ և/կամ ներառված է ակումբի իրավական խմբի կառուցվածքում և/կամ գրանցված է ՀՖՖ Ֆուտբոլի կառավարման համակարգում՝ որպես ակումբի պաշտոնյա
Առաջնություն	Տվյալ մրցաշրջանի մանկապատանեկան ֆուտբոլի ակումբների միջև անցկացվող ՀՀ ֆուտբոլի առաջնություն
Արտակարգ իրավիճակ/ Ֆորս-մաժոր	Ֆորս մաժոր՝ արտակարգ և անկանխելի դեպքեր և հանգամանքներ, որոնք առաջացել են հանդիպման մասնակցի և

կազմակերպչի կամքից անկախ, ներառյալ (սակայն չսահմանափակվելով դրանցով) բնական և տեխնածին աղետները, բնության ուժերի արտասովոր դրսևորումները (այդ թվում՝ ջրհեղեղներ, երկրաշարժեր, փոթորիկներ, պտտահողմեր, կայծակով և ամպրոպով ուղղորդվող հորդառատ անձրևներ, ձնաքթեր, սողանքներ), համաճարակները, հասարակական անկարգությունները, ահաբեկչությունները, պատերազմները, ապստամբությունները, գործադուլները, որոնք խոչընդոտում են ֆուտբոլային հանդիպման՝ պատշաճ և ըստ նախատեսվածի կազմակերպմանը և/կամ անցկացմանը

Թիմի անձնակազմ

Ակումբի աշխատակիցներ, այդ թվում՝ մարզչական, տեխնիկական և ղեկավար անձնակազմի անդամներ, ովքեր հայտավորված են՝ ՀՖՖ մանկապատանեկան մրցումների մասնակցելու նպատակով

Խաղացանկ

Խաղային օրերի ժամանակացույց

Խաղային գոտի

Ֆուտբոլային խաղադաշտը շրջապատող տարածք՝ փոխարինող խաղացողների, մրցավարի օգնականների, 4-րդ պաշտոնյայի, գնդակներ վերադարձնող պատանի ֆուտբոլիստների, հիմնական հեռարձակողի ներկայացուցիչների, հավաստագրված ֆոտոլրագրողների, բժշկական անձնակազմի, անվտանգության աշխատակիցների և պաշտոնատար անձանց տեղակայման համար

Խաղաշրջան	Ֆուտբոլային տարվա կտրվածքով առաջին պաշտոնական խաղով մեկնարկող և վերջին պաշտոնական խաղով ավարտվող ժամանակաշրջան
Խաղի ժամանակահատված	Խաղասկզբից 2 ժամ առաջ, խաղի ժամանակ, ընդմիջմանը և խաղից 1 ժամ հետո ընկած ժամանակահատված
Խաղի կանոններ	«Ֆուտբոլ խաղի» գործող կանոններ՝ ըստ ԻՖԱԲ-ի
Կանոնակարգ	ՀՖՖ մանկապատանեկան ֆուտբոլի մրցումների անցկացման կանոնակարգ (2025-2026 մրցաշրջան)
Համապատասխանելիության հավաստագիր	«ՀՖՖ ենթակառուցվածքային կանոնակարգի» չափանիշների համաձայն՝ ՀՖՖ կողմից տրվող համապատասխան փաստաթուղթ
Հանդիպման (խաղի) կազմակերպիչ	Դաշտի տեր ակումբ, որն ապահովում է ֆուտբոլային հանդիպման կազմակերպման և անցկացման աշխատանքները
Հանդիպման (խաղի) մասնակից	Ֆուտբոլիստ, թիմի անձնակազմ, ֆուտբոլային հանդիպումը սպասարկող անձնակազմ և հանձնակատար
Հայաստանի ազգային/տարբեր տարիքային հավաքականների անդամ	Ֆուտբոլիստներ, որոնք մասնակցել են ազգային/տարբեր տարիքային հավաքականների հավաքներին և/կամ խաղերին
Հյուր թիմ	Հակառակորդի՝ հանդիպման կազմակերպչի դաշտում խաղին մասնակցող թիմ

ՀՖՖ Գործադիր կոմիտե	ՀՖՖ կանոնադրությամբ նախատեսված կոլեգիալ կառավարման մարմին
ՀՖՖ Մրցումների բաժին	Մրցումները կազմակերպող և անցկացնող մարմին
ՀՖՖ Մրցավարական և տեսչական դեպարտամենտ	Հանդիպման մրցավարներին և տեսուչին նշանակող մարմին
ՀՖՖ նույնականացման քարտի համար (ID)	Ֆուտբոլային օբյեկտների և սուբյեկտների անհատական համար, որը տրվում է Ֆուտբոլի կառավարման համակարգում գրանցվելիս
ՀՖՖ պաշտոնյա	ՀՖՖ լիազորված հաստիքային աշխատակից, պատվիրակ, տեսուչ, հանձնակատար, կոմիտեի անդամ, հանձնաժողովների և ՀՖՖ-ի այլ իրավասու մարմինների անդամ
Մարզադաշտ	ՀՖՖ կողմից համապատասխանելիության հավաստագիր ստացած մարզական շինություն, որտեղ անցկացվում է ֆուտբոլային հանդիպումը
Մարզադաշտի սեփականատեր/ օրինական տիրապետող	Իրավաբանական կամ ֆիզիկական անձ, որը հանդիսանում է այն մարզադաշտի սեփականատերը կամ օրինական տիրապետողը, որտեղ անցկացվում է տվյալ հանդիպումը (խաղ)
Մրցաշրջան	Ժամանակաշրջան, որը մեկնարկում է օրացուցային տվյալ տարվա հուլիսի 1-ին և ավարտվում հաջորդ տարվա հունիսի 20-ին
Սպասարկող անձնակազմ	Մրցավար, մրցավարի օգնական, տեսուչ, 4-րդ պաշտոնյա
Մրցավար	Խաղի ՀՖՖ կողմից նշանակված մրցավար

Մրցավարի օգնական	Խաղի մրցավարի՝ ՀՀ կողմից նշանակված օգնական
Մրցումներ	ՀՀ հովանու ներքո անցկացվող մրցաշարեր
Չորրորդ պաշտոնյա	Խաղի՝ ՀՀ-ի կողմից նշանակված չորրորդ պաշտոնյա
Պաշտոնական խաղեր	Կազմակերպված ֆուտբոլի շրջանակներում անցկացվող խաղեր՝ ազգային առաջնությունների, գավաթի խաղարկության, միջազգային ակումբային մրցաշարերի հանդիպումներ
Միրոդական ֆուտբոլիստ (խաղացող)	Միրոդական կարգավիճակ ունեցող ֆուտբոլիստ, ով հայտավորված է տվյալ առաջնությանը մասնակցության նպատակով
Տեսուչ	ՀՀ՝ մրցավարի, մրցավարի օգնականների և չորրորդ պաշտոնյայի գործողությունները գնահատող ներկայացուցիչ
Ֆուտբոլի կառավարման համակարգ (FMS)	Էլեկտրոնային տեղեկատվական համակարգ, որը հնարավորություն է տալիս կատարել բոլոր գործառնությունները, որոնք ընդգրկում են ֆուտբոլային ենթակառուցվածքների, ֆուտբոլային ակումբների, ֆուտբոլիստների, մրցումների կազմակերպման և անցկացման, նախախաղային և ետխաղային տվյալների կառավարումը

ԳԼՈՒԽ 1: ԸՆԴՀԱՆՈՒՐ ԴՐՈՒՅԹՆԵՐ

Հոդված 1. Կանոնակարգի առարկան, կիրառման շրջանակը և խնդիրները

1.01. Սույն կանոնակարգը սահմանում է ՀՀ հովանու ներքո անցկացվող մրցումների կազմակերպման և անցկացման սկզբունքները, ֆուտբոլային սուբյեկտների իրավունքները, պարտականությունները, պատասխանատվությունը և այլ ընթացակարգային հարցերը տվյալ մրցումների ընթացքում, կարգավորում է մանկապատանեկան ֆուտբոլի մրցումներին մասնակցող ակումբների իրավունքներն ու պարտականությունները:

1.02. Սույն կանոնակարգը վերաբերում է Հայաստանի ֆուտբոլի ֆեդերացիայի հովանու ներքո անցկացվող բոլոր մանկապատանեկան առաջնություններին՝ Մ-18, Մ-17, Մ-16, Մ-15, Մ-14, Մ-13, Մ-12, Մ-11, Մ-10, Մ-9 և Մ-8:

1.03. Կանոնակարգի խնդիրներն են՝

- ա) Մրցումների կազմակերպման, անցկացման, ղեկավարման և հսկողության ընթացակարգերի սահմանումը,
- բ) Մրցումների մասնակիցների համար անհրաժեշտ պայմանների ստեղծումը և ապահովումը,
- գ) Մրցումների համակարգի համապատասխանեցումը ՀՀ, ՈՒԵՖԱ և ՖԻՖԱ հիմնարար փաստաթղթերի պահանջներին:

Հոդված 2. Մրցումների նպատակը և խնդիրները

2.01. Մրցումների նպատակն է՝

- ա) ՀՀ տարածքում մանկապատանեկան ֆուտբոլի հետագա զարգացմանը նպաստելը,
- բ) Ֆուտբոլիստների մասնագիտական որակների հետագա բարձրացմանը նպաստելը,
- գ) Ազգաբնակչության մանկապատանեկան հասակի երեխաների համակողմանի ֆիզիկական զարգացումը ապահովելը,
- դ) Միջազգային մրցաշարերում ազգային հավաքականների և ակումբային թիմերի ելույթների բարելավմանը նպաստելը,

ե) Պրոֆեսիոնալ ակումբներում ֆուտբոլիստների համալրման համար հերթափոխի պատրաստման գործընթացին նպաստելը,

զ) «Արդար խաղի» սկզբունքների արմատավորմանը և կենսագործմանը նպաստելը,

Է) Ֆուտբոլի մասսայականացումը:

2.02. Մրցումների խնդիրներն են՝

ա) մանկապատանեկան առաջնություններում թիմերի դասակարգումը՝ ըստ գրանցած արդյունքների (բացառությամբ Մ-8-ից մինչև Մ-12 տարիքային խմբերի առաջնություններում),

բ) ի հայտ բերել մանկապատանեկան առաջնությունների մրցանակակիրներին (բացառությամբ Մ-8-ից մինչև Մ-12 տարիքային խմբերի առաջնությունների),

գ) մրցաշրջանի մրցանակակիրների որոշումը հետևյալ դասակարգմամբ՝

- ✓ Մ-18 և Մ-17 առաջնությունների համապատասխան խմբերի լավագույն ֆուտբոլիստ,
- ✓ Մ-16, Մ-15, Մ-14 և Մ-13 առաջնությունների համապատասխան խմբերի լավագույն ֆուտբոլիստներ՝ ըստ խաղային դիրքերի (դարպասապահ, պաշտպան, կիսապաշտպան, հարձակվող),
- ✓ Մ-18, Մ-17, Մ-16, Մ-15, Մ-14 և Մ-13 առաջնությունների համապատասխան խմբերի ռմբարկուներ,
- ✓ Այլ մրցանակակիրներ:

Հոդված 3. Մրցումների բարեվարքային համակարգը

3.01. Մրցումների բարեվարքային համակարգը ապահովելու նպատակով՝

ա) արգելվում է միևնույն իրավաբանական կամ ֆիզիկական անձի կամ նրա հետ փոխկապակցված անձանց կողմից ֆինանսավորվող մեկից ավելի ակումբների մասնակցությունը ՀՖՖ հովանու ներքո անցկացվող մանկապատանեկան ֆուտբոլի մրցումների տվյալ առաջնությանը,

բ) արգելվում է որևէ ֆիզիկական կամ իրավաբանական անձի ուղղակի կամ անուղղակի միաժամանակյա ցանկացած ներգրավվածությունը ՀՖՖ հովանու ներքո անցկացվող մանկապատանեկան ֆուտբոլի մրցումների տվյալ առաջնությանը մասնակից մեկից ավելի ակումբների վարչական և/կամ մարզական ղեկավարմանը,

գ) արգելվում է որևէ ֆիզիկական կամ իրավաբանական անձի ցանկացած վերահսկողությունը կամ այլ կերպ դրսևորվող ազդեցությունը ՀՖՖ հովանու ներքո անցկացվող մանկապատանեկան ֆուտբոլի մրցումների տվյալ առաջնությանը մասնակից մեկից ավելի ակումբների նկատմամբ:

3.02. Արգելվում է ՀՖՖ հովանու ներքո անցկացվող մանկապատանեկան ֆուտբոլի մրցումներին մասնակից ակումբների և/կամ ֆուտբոլային բոլոր սուբյեկտների կողմից պայմանավորված խաղեր կազմակերպելը, կազմակերպման փորձ կատարելը, հանդիպումների արդյունքի վրա նպատակաուղղված ցանկացած գործողություն կատարելը կամ այդ արարքների մասին իմանալը և ՀՖՖ-ին չհայտնելը:

3.03. Սույն հոդվածի 3.01 մասի «ա» կետի իմաստով անձի փոխկապակցված լինելու հանգամանքը որոշում է ՀՖՖ-ն՝ հիմք ընդունելով ՀՀ օրենսդրության, ՀՖՖ, ՈՒԵՖԱ և ՖԻՖԱ կանոնակարգերի դրույթները և իր տրամադրության տակ առկա փաստական տվյալները:

Հոդված 4. ՀՖՖ գործառույթները

4.01. Առաջնությունների կազմակերպումն ու վերահսկումը իրականացվում է ՀՖՖ-ի կողմից՝ հիմնվելով ՖԻՖԱ-ի և ՈՒԵՖԱ-ի կողմից ճանաչված, առաջնությունների հետ կապված բացառիկ իրավասությունների վրա:

4.02. ՀՖՖ-ն իրականացնում է մրցումների ընդհանուր ղեկավարումը, մասնավորապես՝

- հաստատում է մրցումների անցկացման կանոնակարգը և խաղացանկերը,
- հաստատում է ակումբների և թիմերի գրանցման հայտերը,
- հաստատում է մրցումների մասնակից ֆուտբոլային սուբյեկտների միջև իրավահարաբերությունները կարգավորող փաստաթղթերը,
- հաստատում է մրցումների մասնակից թիմերի հավաստագրման հայտերը,

- հաստատում է թիմերի անձնակազմի անդամների աշխատանքային պայմանագրերի հայտերը,
- հաստատում է թիմերի անձնակազմի անդամների և ֆուտբոլիստների գրանցման հայտերը,
- հաստատում է թիմերի անձնակազմի անդամների և ֆուտբոլիստների հայտավորումը
- տպագրում և տրամադրում է ՀՖՖ նույնականացման քարտեր թիմերի անձնակազմի անդամների և ֆուտբոլիստների համար (բացառությամբ Մ-8-ից մինչև Մ-12 տարիքային խմբերի առաջնությունների),
- հաստատում է մրցումները սպասարկող մրցավարների, տեսուչների կազմը,
- կազմակերպում է խաղերը և իրականացնում դրանց նկատմամբ վերահսկողությունը,
- ամփոփում է հանդիպումների արդյունքները՝ բացառությամբ Մ-8-ից մինչև Մ-12 տարիքային խմբերի առաջնությունների,
- հաստատում է առաջնությունների արդյունքները և իրականացնում մրցանակակիրների պարգևատրումը,
- իրականացնում է մրցումների կազմակերպումից բխող այլ գործառնություններ:

Հոդված 5. Մրցաշրջանի ընթացքում ակումբների պարտականությունները

5.01. Մրցաշրջանի ընթացքում ակումբները, ակումբի ֆուտբոլիստները, թիմի անձնակազմը և պաշտոնյաները պարտավոր են՝

ա) անշեղորեն հետևել գործող ԻՖԱԲ խաղի կանոններին, ՀՖՖ Կանոնադրությանը, կանոնակարգերի դրույթներին և ընդունել, կատարել ՀՖՖ Գործադիր կոմիտեի, ՀՖՖ վարչական անձնակազմի, ՀՖՖ այլ մարմինների կողմից ընդունված և պատշաճ կերպով ծանուցված որոշումները, շրջաբերականները: Պատշաճ է համարվում ներքոնշյալ՝ առձեռն՝ ակումբի ղեկավար անձնակազմի համապատասխան պաշտոնատար անձի ստորագրությամբ, փոստով, ակումբի պաշտոնական էլեկտրոնային փոստի հասցեով, ՀՖՖ ֆուտբոլի կառավարման համակարգի միջոցով կամ ՀՖՖ պաշտոնական վեբ կայքում

(www.ffa.am) հրապարակման միջոցով ծանուցումը, ընդ որում, պատշաճ է համարվում նշված միջոցներից ինչպես մեկով, այնպես էլ մի քանիսով կամ բոլորով կատարված ծանուցումը: Առանձին դեպքերում սույն և ՀՖՖ այլ կանոնակարգերով կարող են սահմանվել այդ կանոնակարգ(եր)ի շրջանակներում ծանուցման հիմնական եղանակ(ներ),

բ) Ֆուտբոլի կառավարման համակարգի՝ որպես էլեկտրոնային տեղեկատվական գործիքի տեխնիկական կամ այլ եղանակով խափանման դեպքում առաջնորդվել բացառապես ՀՖՖ, ՖԻՖԱ և ՈՒԵՖԱ կանոնակարգերի դրույթներով և իրացնել իրավունքներն և պարտականությունները դրանցով սահմանված կարգով և ժամկետներում,

գ) տեղեկացնել ՀՖՖ-ին ֆուտբոլային միջազգային կարգապահական կամ ազգային պետական դատարաններում ցանկացած վարույթի և դրա արդյունքների մասին, որի շրջանակներում ակումբները, ֆուտբոլիստները, թիմի անձնակազմը կամ նրանց պաշտոնյաները ազգային կամ միջազգային մակարդակով ներգրավված են հանդիպման/հանդիպումների արդյունքի վրա նպատակաուղղված ցանկացած գործողության կազմակերպման և ազդեցության մեջ անկախ նրանից՝ ակումբը կամ նրա պաշտոնյան իրեն պատասխանատու կամ մեղավոր համարում է, թե՛ ոչ,

դ) Եթե քննության արդյունքում ՀՖՖ-ն եզրակացնում է, որ ակումբի և/կամ նրա պաշտոնյայի կողմից ուղղակի կամ անուղղակի իրականացվել է ազգային և/կամ միջազգային հանդիպման/հանդիպումների արդյունքի/արդյունքների վրա նպատակաուղղված կազմակերպման և ազդեցության ցանկացած գործողություն, ապա ՀՖՖ-ն կարող է արգելել այդ ակումբին հանդես գալ իր հովանու ներքո անցկացվող մրցումներում: Նման որոշում կայացնելիս ՀՖՖ-ն կարող է, բայց պարտավորված չէ հիմնվել ազգային կամ միջազգային սպորտային իրավասու մարմինների, արբիտրաժային դատարանի կամ պետական դատարանների որոշումների վրա:

ՀՖՖ-ն կարող է ձեռնպահ մնալ ակումբին մրցումներին մասնակցելու իրավունքից զրկելուց, եթե ՀՖՖ-ն համոզված է, որ ազգային կամ միջազգային մարզական մարմնի, արբիտրաժային դատարանի կամ պետական դատարանի կողմից նույն փաստական հանգամանքների հիման վրա ընդունված որոշումով ակումբն արդեն իսկ չի կարողանա մասնակցել ՀՖՖ մրցումներին:

ե) յուրաքանչյուր հայտավորումից առաջ ապահովել հայտավորվող/վերահայտավորվող ֆուտբոլիստների բժշկական զննումը և յուրաքանչյուր ֆուտբոլիստի բժշկական

զննությունը հաստատող առնվազն 30-օրյա վաղեմության փաստաթուղթը ներբեռնել ՀՖՖ Ֆուտբոլի կառավարման համակարգ (FMS)՝ հայտավորման բաժնի հայտավորման տվյալներ ենթաբաժնում՝ յուրաքանչյուր ֆուտբոլիստի հայտավորման տողում և/կամ ՀՖՖ կողմից գործարկվող՝ ֆուտբոլիստների բժշկական պատմության հավաքագրման և վերահսկման այլ՝ պաշտանական համակարգում,

զ) վարել անձնակազմի անդամների, ֆուտբոլիստների ստացած դեղին, կարմիր քարտերի հաշվառումը, և ՀՖՖ Կարգապահական և էթիկայի կանոնակարգի համապատասխան հոդվածի կետերով նախատեսված խախտումներ հայտնաբերելու դեպքերում՝ կիրառել այդ կանոնակարգով նախատեսված պատժամիջոցները՝ առանց ՀՖՖ Կարգապահական և էթիկայի կոմիտեի որոշման (բացառություն են կազմում ՀՖՖ Կարգապահական և էթիկայի կոմիտեի որոշմամբ սահմանվող որակագրկումները),

է) Մրցումներին մասնակցող ֆուտբոլիստ(ներ)ի/թիմի անձնակազմի անդամ(ներ)ի՝ խաղի ժամանակահատվածում կարմիր քարտ ստանալու դեպքում վերջիններս ավտոմատ կերպով բաց են թողնում մրցաշարերում իրենց հաջորդ հանդիպում/ները, մինչև ՀՖՖ Կարգապահական և էթիկայի կոմիտեն կկայացնի որոշում բաց թողնվելիք խաղերի վերջնական քանակի և ժամկետի վերաբերյալ:

ը) հոգալ ակումբի թիմ/եր/ի ծախսերը (2 խաղային մարզահագուստ, ճանապարհածախս, օրապահիկ, գիշերվարձ և այլ):

5.02. Ակումբները պատասխանատու են՝

ա) խաղի արձանագրությունում նշված ֆուտբոլիստների և թիմի անձնակազմի՝ խաղին մասնակցելու իրավասության համար (տվյալ խաղի արձանագրությունում նշված լինելը համարվում է տվյալ խաղին մասնակցություն),

բ) խաղի ժամանակահատվածում իրենց ֆուտբոլիստների, վարչական անձնակազմի, ինչպես նաև իրենց երկրպագուների՝ ՀՖՖ կանոնակարգերով արգելված, անօրինական, անթույլատրելի, ոչ սպորտային և անվայել գործողությունների համար,

գ) ակումբում գրանցված (հայտավորված) ֆուտբոլիստների առողջական վիճակի համար,

դ) որակագրկված ֆուտբոլիստների և թիմի անձնակազմի անդամների՝ խաղին մասնակցելու համար,

ե) խաղի ժամանակահատվածում իրենց ֆուտբոլիստների, թիմի անձնակազմի անդամների, պաշտոնյաների, ինչպես նաև երկրպագուների, ոչ սպորտային վարքագծի և անվայել գործողությունների համար,

զ) մարզադաշտում գտնվող շինությունների, հանդերձարանների և այլ գույքի պատշաճ օգտագործման և դրանց՝ մինչև օգտագործումն առկա վիճակի պահպանման համար,

է) ՀՖՖ-ին ոչ հավաստի տեղեկություն ներկայացնելու համար:

5.03. Ակումբներին արգելվում է՝

ա) միջամտել խաղը սպասարկող անձնակազմի գործողություններին, այն է՝ կատարել այնպիսի գործողություն կամ դրսևորել անգործություն, որը խոչընդոտում է կամ կարող է խոչընդոտել խաղը սպասարկող անձնակազմի բնականոն գործունեությանը կամ կարող է ազդել խաղի մեկնարկի, ընթացքի կամ ելքի վրա,

բ) ներկայացնել ՀՖՖ-ն կամ օգտագործել ՀՖՖ դրոշը և խորհրդանշանը (տարբերանշանը)՝ բացառությամբ ՀՖՖ կողմից տրված գրավոր թույլտվության առկայության դեպքերի,

գ) մրցումների շրջանակներում և հրապարակային գործողություններ կատարելիս օգտագործել ակումբի այնպիսի անվանում կամ խորհրդանշան (տարբերանշան) (այդ թվում՝ կոմերցիոն գործընկերոջ անվանում), որը ՀՖՖ-ում գրանցված չէ տվյալ ակումբի անվանմամբ:

Հոդված 6. Մրցումներին մասնակցության չափանիշները

6.01. Մրցումներին կարող են մասնակցել այն ակումբները, որոնք ունեն իրավաբանական անձի կարգավիճակ, ընդունում են ՀՖՖ, ՈԻԵՖԱ և ՖԻՖԱ հիմնարար սկզբունքները, կանոնադրություններն ու կանոնակարգերը, ՀՖՖ նկատմամբ չունեն չկատարված պարտավորություն(ներ), այդ թվում՝ չվճարված տուգանք կամ չմարված կարգապահական տույժ, և պարտավորվում են կատարել վերոնշյալ կազմակերպությունների, ինչպես նաև սույն կանոնակարգի պահանջները:

Սույն կետի իմաստով ՀՖՖ-ն իրավասու է իր նկատմամբ չկատարված պարտավորությունների առկայության դեպքում թույլատրել ակումբ(ներ)ին մասնակցել Մրցումներին՝ սահմանելով պարտավորությունների կատարման ողջամիտ ժամկետ:

6.02. Առաջնություններին մասնակցելու համար մուտքավճար չի պահանջվում:

Հոդված 7. Մրցումներին մասնակցության համար դիմելու կարգը

7.01. Մրցումներին մասնակցելու համար մասնակից ակումբները պետք է անցնեն հավաստագրման գործընթաց Ֆուտբոլի կառավարման համակարգում սահմանված ժամկետներում՝ ըստ պահանջվող փաստաթղթերի: Հաջորդ մրցաշրջանի (2026-2027թթ.) հավաստագրման գործընթացը սկսվում է հունիսի 23-ից մինչև հուլիսի 10-ը՝ բացառությամբ ֆորս-մաժորային իրավիճակների: Հավաստագրման վերաբերյալ մանրամասները՝ պահանջվող փաստաթղթերի ցանկը, վերջնաժամկետներն ու կարգը սահմանվում են ՀՖՖ Մրցումների բաժնի կողմից և հավաստագրվելուց առնվազն երեք օր առաջ շրջափերական նամակով ուղարկվում են մանկապատանեկան առաջնություններին և Հայաստանի Գավաթի խաղարկության մասնակից ակումբներին:

7.02. Եթե ակումբի կողմից առաջնություններին և/կամ Հայաստանի Գավաթի խաղարկությանը մասնակցելու համար ներկայացված փաստաթղթերը չեն համապատասխանում ՀՖՖ կողմից Ֆուտբոլի կառավարման համակարգի սահմանված պահանջներին, ապա դրանք չեն ընդունվում ՀՖՖ Մրցումների բաժնի կողմից, որի մասին ակումբը ծանուցվում է Ֆուտբոլի կառավարման համակարգի միջոցով, որից հետո ակումբը կարող է համալրել փաստաթղթերը և/կամ ուղղել առկա այլ սխալները Ֆուտբոլի կառավարման համակարգում սահմանված ժամկետների և պահանջներին համապատասխան: Ֆուտբոլի կառավարման համակարգում սահմանված ժամկետներից դուրս ներկայացված հավաստագրման հայտերը մերժվում են ՀՖՖ Մրցումների բաժնի կողմից, և տվյալ ակումբը կարող է զրկվել տվյալ առաջնությանը մասնակցելու իրավունքից, ինչի վերաբերյալ տեղեկատվությունը շրջափերականով ուղարկվում է մասնակից ակումբների պաշտոնական էլեկտրոնային փոստի հասցեներին:

Հոդված 8. «Արդար խաղը» և գնահատման կարգը

8.01. Մանկապատանեկան ֆուտբոլի մրցումների շրջանակներում անցկացվող բոլոր խաղերը կազմակերպվում են ՀՖՖ, ՈԻԵՖԱ և ՖԻՖԱ կանոնադրություններով նախատեսված «Արդար խաղի» սկզբունքների համաձայն:

8.02. Մ-18A և Մ-17A տարիքային խմբերի առաջնություններում տեսուչի կողմից գնահատվում է տվյալ խաղի մասնակից թիմերի «Արդար խաղի» ցուցանիշները:

8.03. «Արդար խաղի» գնահատումը կատարվում է 1-10 միավորային համակարգով՝ հետևյալ չափանիշների հիման վրա.

- ա) տվյալ խաղի կարմիր և դեղին քարտերի քանակ,
- բ) տվյալ խաղի մրցավարի նկատմամբ հարգալից վերաբերմունք,
- գ) տվյալ խաղի մրցակցի նկատմամբ հարգալից վերաբերմունք,
- դ) տվյալ խաղի թիմերի անձնակազմերի պահվածք,
- ե) տվյալ խաղի հանդիսականների պահվածք:

8.04. Առաջնությանը մասնակից թիմերի «Արդար խաղի» դասակարգումը կատարվում է տարեկան մեկ անգամ՝ խաղաշրջանի ընթացքում վաստակած գնահատականների հանրագումարի արդյունքի հիման վրա:

Հոդված 9. Պարզևատրումը

9.01. Առաջնություններում Մ-18Ա, Մ-17Ա, Մ-16Ա, Մ-15Ա, Մ-14Ա և Մ-13Մ խմբերի առաջին տեղ գրաված թիմերը պարզևատրվում են փոխանցիկ գավաթով և պատվոգրով:

9.02. Գավաթի տարիքային խմբերի խաղարկությունների հաղթող թիմերը պարզևատրվում են փոխանցիկ գավաթով և պատվոգրով:

9.03. Մ-18, Մ-17 առաջնություններում տարիքային խմբերի լավագույն ֆուտբոլիստների մրցույթն անցկացվում է առանձին սահմանված կարգով՝ ՀՖՖ Մրցումների բաժնի կողմից իրականացվող հարցումների արդյունքներով:

Մ-16, Մ-15, Մ-14 և Մ-13Մ առաջնություններում տարիքային խմբերի լավագույն ֆուտբոլիստների՝ ըստ խաղային դիրքերի (դարպասապահ, պաշտպան, կիսապաշտպան, հարձակվող), մրցույթն անցկացվում է առանձին սահմանված կարգով՝ ՀՖՖ Մրցումների բաժնի կողմից իրականացվող հարցումների արդյունքներով:

9.04. Մ-18, Մ-17, Մ-16, Մ-15, Մ-14 և Մ-13Մ առաջնություններում տարիքային խմբերի լավագույն ումբարկու/ներ է/են ճանաչվում առաջնությունում առավել թվով գոլեր խփած ֆուտբոլիստը/ները և պարզևատրվում են «Լավագույն ումբարկու» մրցանակով: Այն պարագայում, եթե մեկից ավելի ֆուտբոլիստներ խփել են նույն քանակի գոլեր, ապա «Լավագույն ումբարկու» մրցանակով պարզևատրվում են վերոնշյալ բոլոր ֆուտբոլիստները:

9.05. Առաջնություններում լավագույնները պարգևատրվում են ՀՖՖ-ի համապատասխան մրցանակով:

ԳԼՈՒԽ 2: ՄՐՑՈՒՄՆԵՐԻ ԱՆՑԿԱՑՈՒՄԸ

Հոդված 10. Մրցումների վայրը

10.01. Մրցումների մասնակից ակումբը իր տնային հանդիպումները պետք է անցկացնի իրեն սեփականության իրավունքով պատկանող կամ իր օրինական տիրապետման տակ գտնվող մարզադաշտում, որը նախապես նշվում է ՀՀՖ Ֆուտբոլի կառավարման համակարգում՝ տվյալ առաջնության և տվյալ մրցաշրջանի համար հավաստագրման գործընթացում: Ակումբի կողմից ներկայացված մարզադաշտը պետք է համապատասխանի ՀՀՖ Ենթակառուցվածքային կանոնակարգի տվյալ մրցաշարի համար ենթակա մարզադաշտերի վերաբերյալ սահմանված պահանջներին:

10.02. Յուրաքանչյուր խաղի համար տվյալ մարզադաշտի պատրաստ լինելը որոշում է խաղի մրցավարը, իսկ այն խաղերում, որտեղ նշանակված է տեսուչ՝ հանդիպման տեսուչը:

10.03. Խաղի օրն առաջացած արտակարգ իրավիճակների/ֆորս մաժորի, ինչպես նաև տվյալ հանդիպմանը մարզադաշտի՝ ցանկացած այլ պատճառով պատրաստ չլինելու դեպքում, խաղի մրցավարը, հիմք ընդունելով գործող ԻՖԱԲ խաղի կանոնները, ՀՀՖ Ենթակառուցվածքային և ՀՀՖ Մանկապատենական ֆուտբոլի մրցումների անցկացման կանոնակարգերի պահանջները, կայացնում է վերջնական որոշում խաղը տվյալ մարզադաշտում անցկացնելու, չանցկացնելու կամ խաղասկզբը հետաձգելու վերաբերյալ: Տվյալ իրավիճակի ի հայտ գալու դեպքում՝ խաղի մրցավարը հրավիրում է արտակարգ ժողով՝ մասնակից թիմերի մասնակցությամբ, որի ընթացքում նախապես քննարկելով ՀՀՖ Մրցավարական և տեսչական դեպարտամենտի և ՀՀՖ Մրցումների բաժնի հետ՝ մրցող թիմերին տեղեկացվում է կայացված որոշման մասին:

10.04. Մրցաշրջանի ընթացքում հիմնական մարզադաշտի՝ այս կամ այն պատճառով հանդիպումներն ընդունելու համար ոչ պիտանի դառնալու պարագայում Մանկապատենական ֆուտբոլի մրցումների շրջանակներում անցկացվող հանդիպումը կարող է տեղափոխվել մեկ այլ մարզադաշտ, որը համապատասխանում է սույն հոդվածի 10.01 կետին, եթե հյուրընկալող ակումբն այդ մասին հանդիպումից առնվազն 5 օր առաջ գրավոր կերպով դիմել է ՀՀՖ Մրցումների բաժնի և ստացել համապատասխան թույլտվություն գրավոր կերպով: Մարզադաշտի տեղափոխման նպատակահարմարության վերաբերյալ վերջնական որոշումը կայացնում է ՀՀՖ Մրցումների բաժինը, որի մասին ակումբը ծանուցվում է իր պաշտոնական էլեկտրոնային

փոստի հասցեով: Սույն կետով սահմանված 5-օրյա ժամկետը չպահպանելու դեպքում ՀՖՖ Մրցումների բաժինը կարող է կայացնել հատուկ որոշում:

10.05. Մրցաշրջանի ընթացքում հիմնական մարզադաշտի ցանկացած այլ պաճառով փոփոխության վերաբերյալ դաշտի տեր ակումբը կարող է գրավոր դիմել ՀՖՖ Մրցումների բաժնին հանդիպումից առնվազն 5 օր առաջ՝ հստակ նշելով պատճառները, հիմքերը, ինչպես նաև մարզադաշտի փոփոխման հստակ ժամանակահատվածը: Մարզադաշտի տեղափոխման նպատակահարմարության վերաբերյալ վերջնական որոշումը կայացնում է ՀՖՖ Մրցումների բաժինը, որի մասին ակումբը ծանուցվում է իր պաշտոնական էլեկտրոնային փոստի հասցեով: Սույն կետով սահմանված 5-օրյա ժամկետը չպահպանելու դեպքում ՀՖՖ Մրցումների բաժինը կարող է կայացնել հատուկ որոշում:

10.06. Գավաթի խաղարկությունների եզրափակիչ խաղերի մարզադաշտերի ընտրությունը կատարում է ՀՖՖ-ն՝ մինչև գավաթի խաղարկության մեկնարկը նշանակելով եզրափակիչ հանդիպումների անցկացման վայրը: Եզրափակիչ խաղերում դաշտի տիրոջ կարգավիճակը որոշվում է տվյալ խաղերի օրերին՝ նախախաղային խորհրդակցության ժամանակ վիճակահանությամբ մրցավարի կողմից, և դաշտի տեր համարվող ակումբն ունենում է այն իրավունքները, որոնք վերապահված են դաշտի տեր թիմին՝ սույն կանոնակարգի դրույթներին համապատասխան:

10.07. Գավաթի խաղարկությունների կիսաեզրափակիչ խաղերի մարզադաշտերի ընտրությունը կատարում է ՀՖՖ-ն՝ ըստ խաղացանցի նշանակելով կիսաեզրափակիչ հանդիպումների անցկացման վայրը չեզոք մարզադաշտում: Կիսաեզրափակիչ խաղերում դաշտի տիրոջ կարգավիճակը որոշվում է տվյալ խաղերի օրերին՝ նախախաղային խորհրդակցության ժամանակ վիճակահանությամբ մրցավարի կողմից, և դաշտի տեր համարվող ակումբն ունենում է այն իրավունքները, որոնք վերապահված են դաշտի տեր թիմին՝ սույն կանոնակարգի դրույթներին համապատասխան:

10.08. ՀՖՖ ներկայացուցիչները կարող են այցեր իրականացնել ցանկացած մարզադաշտ, իրականացնել ստուգումներ մրցաշրջանից առաջ և ընթացքում, և ստուգումների արդյունքում թերությունների ի հայտ գալու դեպքում ՀՖՖ Մրցումների բաժնի կողմից տրված ժամկետում համապատասխան թերությունները չշտկելու պարագայում ՀՖՖ-ն իրավունք ունի արգելել տվյալ մարզադաշտում խաղերի կազմակերպումը և անցկացումը: Ակումբները պարտավոր են լիովին համագործակցել ՀՖՖ-ի հետ նման ստուգումների ընթացքում:

Հոդված 11. Մրցումների տարիքային խմբերը և անցկացման կարգը

11.01. Մրցումներն անցկացվում են հետևյալ տարիքային խմբերով՝

- Առաջնություններ՝ Մ-18 (A), Մ-17 (AB), Մ-16 (AB), Մ-15 (ABC), Մ-14 (ABC) բոլոր խմբերի, Մ-13 (Մ1, Մ2, Մ3, Մ4) ենթախմբերի և Մ-12, Մ-11, Մ-10, Մ-9 և Մ-8՝ մինչև 8 խումբ,
- Գավաթի խաղարկություններ՝ Մ-18, Մ-17, Մ-16, Մ-15, Մ-14, Մ-13, Մ-12 բոլոր խմբերում:

11.02. Հավաստագրման ժամկետի ավարտից հետո ՀՖՖ Մրցումների բաժինը կբաշխի յուրաքանչյուր տարիքային խմբում հավաստագրված թիմերին Մ-18, Մ-17, Մ-16, Մ-15 և Մ-14 տարիքային A, B, C խմբերի, Մ-13 տարիքային՝ Մ1, Մ2, Մ3, Մ4, իսկ Մ-12, Մ-11, Մ-10, Մ-9 և Մ-8 տարիքային մինչև 8 խմբերի միջև 2025-2026 մրցաշրջանի համար:

11.03. Մ-18 առաջնությունը անցկացվում է մեկ խմբով՝ A:

Մ-18A խմբում մասնակցության իրավունք ունի յուրաքանչյուր ակումբից միայն մեկ թիմ:

Մ-18A առաջնությունը անցկացվում է մեկ խմբով՝ 11 թիմով: Մ-18A առաջնությունը անցկացվում է շրջանաձև՝ երկու շրջանով: Թիմերը մրցում են միմյանց հետ մեկական անգամ՝ սեփական և մրցակցի հարկի տակ:

11.04. Մ-17 առաջնությունը անցկացվում է մինչև երկու խմբով՝ A և B:

Մ-17A խմբում մասնակցության իրավունք ունի յուրաքանչյուր ակումբից միայն մեկ թիմ:

Մ-17B խմբում մասնակցության իրավունք ունի յուրաքանչյուր ակումբից առավելագույնը երկու թիմ:

Մ-17 A առաջնությունը անցկացվում է մեկ խմբով՝ 7 թիմով, իսկ B-ն՝ 6 թիմով:

Մ-17A առաջնությունը անցկացվում է շրջանաձև՝ երեք շրջանով: Թիմերն առաջին երկու շրջաններում հանդիպումներն անցկացնում են սեփական և մրցակցի հարկի տակ, իսկ երրորդ շրջանում խաղերն անցկացվում են համաձայն առաջին շրջանի վիճակահանության արդյունքների:

Մ-17B առաջնությունը անցկացվում է շրջանաձև՝ չորս շրջանով: Թիմերը մրցում են միմյանց հետ երկու անգամ սեփական և երկու անգամ մրցակցի հարկի տակ:

11.05. Մ-16 առաջնությունը անցկացվում է մինչև երկու խմբով՝ A և B:

Մ-16A խմբում մասնակցության իրավունք ունի յուրաքանչյուր ակումբից միայն մեկ թիմ:

Մ-16 B խմբում մասնակցության իրավունք ունի յուրաքանչյուր ակումբից առավելագույնը երկու թիմ:

Մ-16A առաջնությունը անցկացվում են մեկ խմբով՝ 10 թիմով, իսկ B-ն՝ 10 թիմով:

Մ-16A և Մ-16B առաջնությունները անցկացվում են շրջանաձև՝ երկու շրջանով: Թիմերը մրցում են միմյանց հետ մեկ անգամ սեփական և մեկ անգամ մրցակցի հարկի տակ:

11.06. Մ-15 և Մ-14 առաջնությունները անցկացվում են երեք խմբով՝ A, B, C:

Մ-15A և Մ-14A խմբում մասնակցության իրավունք ունի յուրաքանչյուր ակումբից միայն մեկ թիմ:

Մ-15 A և Մ-14A առաջնությունները անցկացվում են մեկական խմբով՝ 8 թիմով:

Մ-15 A և Մ-14A առաջնությունները անցկացվում են շրջանաձև՝ երեք շրջանով: Թիմերն առաջին երկու շրջաններում հանդիպումներն անցկացնում են սեփական և մրցակցի հարկի տակ, իսկ երրորդ շրջանում խաղերն անցկացվում են համաձայն առաջին շրջանի վիճակահանության արդյունքների:

Մ-15B և Մ-14B խմբերում մասնակցության իրավունք ունեն յուրաքանչյուր ակումբից առավելագույնը երկու թիմ:

Մ-15B և Մ-14B առաջնությունները անցկացվում են մեկական խմբով՝ 8 թիմով:

Մ-15B և Մ-14B առաջնությունները անցկացվում են շրջանաձև՝ երեք շրջանով, թիմերն առաջին երկու շրջաններում հանդիպումներն անցկացնում են միմյանց հետ մեկական անգամ՝ սեփական և մրցակցի հարկի տակ, իսկ երրորդ շրջանում խաղերն անցկացվում են համաձայն առաջին շրջանի վիճակահանության արդյունքների:

Մ-15C և Մ-14C բոլոր խմբերում մասնակցության իրավունք ունեն յուրաքանչյուր ակումբից առավելագույնը չորս թիմ:

Մ-15C և Մ-14C առաջնություններն անցկացվում են 2 փուլով՝ կանոնավոր առաջնություն և փլեյ-օֆֆ:

Մ-15C և Մ-14C առաջնությունները կարող են անցկացվել մինչև չորս խմբով (C1, C2, C3, C4) խմբերի՝ յուրաքանչյուր խմբում մինչև 10 թիմով:

Մ-15C և Մ-14C առաջնությունները անցկացվում են առանձին խմբերով, շրջանաձև՝ 5-6 թիմերի դեպքում՝ չորս շրջանով, թիմերը մրցում են միմյանց հետ երկուական անգամ՝ սեփական և մրցակցի հարկի տակ:

7-10 թիմերի դեպքում՝ երկու շրջանով, թիմերն մրցում են միմյանց հետ մեկական անգամ՝ սեփական և մրցակցի հարկի տակ:

11.07. Փլեյ-օֆֆ փուլի բոլոր հանդիպումներն անցկացվում են 1 խաղով (կիսաեզրափակիչ և եզրափակիչ փուլեր), որոնց մարզադաշտերի ընտրությունը կատարում է ՀՖՖ-ն՝ նշանակելով հանդիպումների անցկացման վայրը չեզոք մարզադաշտում: Կիսաեզրափակիչ և եզրափակիչ փուլերում դաշտի տիրոջ կարգավիճակը որոշվում է տվյալ խաղերի օրերին՝ նախախաղային խորհրդակցության ժամանակ վիճակահանությամբ մրցավարի կողմից, և դաշտի տեր համարվող ակումբն ունենում է այն իրավունքները, որոնք վերապահված են դաշտի տեր թիմին՝ սույն կանոնակարգի դրույթներին համապատասխան:

11.08. Փլեյ-օֆֆ փուլը սկսում է 1/2 եզրափակիչից, որին մասնակցում են՝

երկու խմբի դեպքում (C1, C2) խմբերում առաջին և երկրորդ տեղը գրաված թիմերը,

1/2 եզրափակչում C1 խմբի առաջին տեղը գրաված թիմը հանդիպում է C2-ի երկրորդ տեղը գրաված թիմի հետ, իսկ C2 խմբի առաջին տեղը գրաված թիմը հանդիպում է C1-ի երկրորդ տեղը գրաված թիմի հետ,

երեք խմբի դեպքում (C1, C2, C3) խմբերում առաջին տեղը գրաված թիմերը և լավագույն արդյունք ցուցաբերած երկրորդ տեղը գրաված թիմը (խմբերում ըստ խաղերի քանակի և միավորների), նույն խմբից դուրս եկած երկու թիմերը չեն կարող հանդիպել միմյանց հետ 1/2 եզրափակչում :

11.09. 1/2 եզրափակչի զույգերի հաղթող թիմերը հանդիպում են եզրափակչում միմյանց հետ՝ Մ-15C և Մ-14C առաջնությունների հաղթողներին որոշելու համար:

11.10. 1/2 եզրափակչի զույգերի պարտվող թիմերը հանդիպում են միմյանց հետ՝ Մ-15C և Մ-14C առաջնությունների 3-րդ տեղի թիմերին որոշելու համար:

11.11. Փլեյ-օֆֆ փուլում որևէ խաղի հիմնական ժամանակում ոչ ոքի գրանցվելու դեպքում տվյալ խաղի հաղթողին որոշելու համար խաղի ավարտից հետո գործող ԻՖԱԲ խաղի կանոնների համաձայն՝ նշանակվում է հետխաղյա 11 մետրանոց հարվածաշար:

11.12. Մ-13Մ1, Մ-13Մ2, Մ-13Մ3, Մ-13Մ4 խմբերում մասնակցում են 2025-2026թթ. մրցաշրջանում հավաստագիր ներկայացրած բոլոր թիմերը:

11.13. Մ-13Մ առաջնությունն անցկացվում է 2 փուլով՝ կանոնավոր առաջնություն և փլեյ-օֆֆ:

Մ-13 կանոնավոր առաջնության մասնակից թիմերն ընդգրկվում են չորս՝ Մ-13Մ1, Մ-13Մ2, Մ-13Մ3, Մ-13Մ4 ենթախմբերում: Առաջնություն անցկացվում է առանձին ենթախմբերով, շրջանաձև՝ 5-6 թիմերի դեպքում՝ չորս շրջանով, թիմերը մրցում են միմյանց հետ երկուական անգամ՝ սեփական և մրցակցի հարկի տակ:

7-13 թիմերի դեպքում՝ երկու շրջանով, թիմերն մրցում են միմյանց հետ մեկական անգամ՝ սեփական և մրցակցի հարկի տակ:

11.14. Փլեյ-օֆֆ փուլի բոլոր հանդիպումներն անցկացվում են 1 խաղով (կիսաեզրափակիչ և եզրափակիչ փուլեր), որոնց մարզադաշտերի ընտրությունը կատարում է ՀՖՖ-ն՝ նշանակելով հանդիպումների անցկացման վայրը չեզոք մարզադաշտում: Կիսաեզրափակիչ և եզրափակիչ փուլերում դաշտի տիրոջ կարգավիճակը որոշվում է տվյալ խաղերի օրերին՝ նախախաղային խորհրդակցության ժամանակ վիճակահանությամբ մրցավարի կողմից, և դաշտի տեր համարվող ակումբն ունենում է այն իրավունքները, որոնք վերապահված են դաշտի տեր թիմին՝ սույն կանոնակարգի դրույթներին համապատասխան:

11.15. Փլեյ-օֆֆ փուլը սկսում է 1/2 եզրափակիչից, որին մասնակցում են Մ-13Մ1, Մ-13Մ2, Մ-13Մ3, Մ-13Մ4 խմբերում 1-ին տեղը գրաված թիմերը: Փլեյ-օֆֆ փուլի 1/2 եզրափակչի զույգերը ընտրվում են ՀՖՖ Մրցումների բաժնի կողմից վիճակահանությամբ՝ մասնակից ակումբների ներկայացուցիչների մասնակցությամբ:

11.16. 1/2 եզրափակչի զույգերի հաղթող թիմերը հանդիպում են եզրափակչում միմյանց հետ՝ Մ-13Մ առաջնության հաղթողին որոշելու համար:

11.17. 1/2 եզրափակչի զույգերի պարտվող թիմերը հանդիպում են միմյանց հետ՝ Մ-13Մ առաջնության 3-րդ տեղի թիմին որոշելու համար:

11.18. Փլեյ-օֆֆ փուլում որևէ խաղի հիմնական ժամանակում ոչ ոքի գրանցվելու դեպքում տվյալ խաղի հաղթողին որոշելու համար խաղի ավարտից հետո գործող ԻՖԱԲ խաղի կանոնների համաձայն՝ նշանակվում է հետխաղյա 11 մետրանոց հարվածաշար:

11.19. Մ-12Մ և Մ-11Մ տարիքային խմբերի առաջնությունների մասնակից թիմերն ընդգրկվում են առավելագույնը 8 ենթախմբերում՝ ըստ թիմերի քանակի: Առաջնություններն անցկացվում են առանձին ենթախմբերով, շրջանաձև՝ մինչև 6 թիմի դեպքում չորս շրջանով, 7 և ավել թիմերի դեպքում՝ երկու շրջանով: Թիմերն առաջին և երկրորդ շրջաններում հանդիպումներն անցկացնում են սեփական և մրցակցի հարկի տակ: Չորս շրջանի դեպքում խաղերն անցկացվում են առաջին և երկրորդ շրջանների համապատասխան:


11.20. Մ-12Մ և Մ-11Մ տարիքային խմբերի առաջնությունների մասնակից թիմերի խաղերը կրում են ընկերական բնույթ, երեխաները խաղում են զվարճանքի համար, և ՀՖՖ-ն չի կազմում մրցաշարային աղյուսակ, հետևաբար տվյալ տարիքային առաջնությունների խաղերում չի գրանցում խփած և բաց թողած գնդակների տարբերությունը: Մ-12Մ և Մ-11Մ տարիքային խմբերի առաջնությունների հանդիպումների յուրաքանչյուր խաղակեսի 10-րդ և 20-րդ րոպեին մրցավարը պետք է հայտարարի մինչև 2 րոպե տևողությամբ ընդմիջում:

11.21. Մ-10Մ և Մ-9Մ տարիքային խմբերի առաջնությունների մասնակից թիմերի խաղերը կրում են ընկերական բնույթ, երեխաները խաղում են զվարճանքի համար, և ՀՖՖ-ն չի կազմում մրցաշարային աղյուսակ, հետևաբար տվյալ տարիքային առաջնությունների խաղերում չի գրանցում խփած և բաց թողած գնդակների տարբերությունը: Մ-10Մ և Մ-9Մ տարիքային խմբերի առաջնությունների մասնակից թիմերն ընդգրկվում են առավելագույնը 8 ենթախմբերում՝ ըստ թիմերի քանակի: Առաջնություններն անցկացվում են առանձին ենթախմբերով, շրջանաձև՝ մինչև 6 թիմի դեպքում չորս շրջանով, 7 և ավել թիմերի դեպքում՝ երկու շրջանով: Թիմերն առաջին և երկրորդ շրջաններում հանդիպումներն անցկացնում են սեփական և մրցակցի հարկի տակ: Հանդիպումները կրում են ընկերական բնույթ:

Մ-10Մ և Մ-9Մ տարիքային խմբերի առաջնությունների հանդիպումների յուրաքանչյուր խաղակեսի 10-րդ և 20-րդ րոպեներին մրցավարը հայտարարում է մինչև 2 րոպե տևողությամբ ընդմիջում:

11.22. Մ-8Մ տարիքային խմբի առաջնության մասնակից թիմերի խաղերը կրում են ընկերական բնույթ, երեխաները խաղում են զվարճանքի համար, և ՀՖՖ-ն չի կազմում մրցաշարային աղյուսակ, հետևաբար տվյալ տարիքային առաջնությունների խաղերում չի գրանցում խփած և բաց թողած գնդակների տարբերությունը: Մ-8Մ առաջնության մասնակից թիմերն ընդգրկվում են առավելագույնը 8 ենթախմբերում՝ ըստ թիմերի քանակի: Առաջնություններն անցկացվում են առանձին ենթախմբերով, շրջանաձև՝ երկու շրջանով: Թիմերն առաջին և երկրորդ շրջաններում հանդիպումներն անցկացնում են սեփական և մրցակցի հարկի տակ: Մ-8Մ տարիքային խմբերի առաջնությունների հանդիպումների յուրաքանչյուր խաղակեսի 10-րդ րոպեին մրցավարը հայտարարում է մինչև 2 րոպե տևողությամբ ընդմիջում:

11.23. Մ-13, Մ-12, Մ-11, Մ-10, Մ-9 և Մ-8 տարիքային խմբերի առաջնություններն անցկացվում են փոքրացված խաղադաշտերում՝ ըստ ներկայացված գծագրի (տե՛ս Մ-13՝ Գծագիր 1, Մ-12, Մ-11՝ Գծագիր 2, Մ-10, Մ-9, Մ-8՝ Գծագիր 3):



Երկարությունը՝

Մ-13՝ 70-80 մ, Մ-12, Մ-11՝ 50-65, Մ-10, Մ-9 և Մ-8՝ 40մ

Լայնությունը

Մ-13՝ 55-65 մ, Մ-12, Մ-11՝ 40-50, Մ-10, Մ-9 և Մ-8՝ 20մ

Դարպասի չափսերը՝

Մ-12, Մ-11՝ 5 մ լայնություն և 2 մ բարձրություն,

Մ-10, Մ-9 և Մ-8՝ 3 մ լայնություն և 2 մ բարձրություն

Տուգանային հրապարակը՝

Մ-13՝ 14 մ, Մ-12, Մ-11՝ 9 մ և Մ-10, Մ-9, Մ-8՝ 7 մ

11 մետրանոց նշակետը՝

Մ-8-ից մինչև Մ-12 տարիքային խմբերում 11 մետրանոց նշակետը փոխարինվում է 7 մետրանոց նշակետով

Տուգանային, ազատ և անկյունային հարվածների ժամանակ մրցակից թիմի ֆուտբոլիստների կողմից պահպանվող հեռավորությունը գնդակից՝

Մ-12, Մ-11՝ 7 մ, Մ-10, Մ-9, Մ-8՝ 5 մ

Խաղացողների քանակը՝

Մ-12, Մ-11՝ 8 v 8, Մ-10, Մ-9 և Մ-8՝ 6 v 6

Մ-18, Մ-17, Մ-16 և Մ-15 տարիքային խմբերի առաջնությունների հանդիպումներն անցկացվում են N 5 գնդակով, իսկ Մ-13, Մ-12, Մ-11, Մ-10, Մ-9 և Մ-8 տարիքային խմբերի առաջնությունների հանդիպումները՝ N 4 գնդակով: Մ-14 տարիքային խմբերի առաջնությունների աշնանային հատվածում հանդիպումներն անցկացվում են N 4 գնդակով, իսկ գարնանային հատվածում հանդիպումներն անցկացվում են N 5 գնդակով:

Խաղերի ժամանակ դարպասացանցերը պարտադիր են:

Հոդված 12. Խաղացանկը և անցկացման ժամկետները

12.01. Առաջնություններն անցկացվում են 2025 թվականի օգոստոսից մինչև 2026 թվականի հունիսը ներառյալ:

12.02. Մրցումների խաղացանկերը կազմվում են Բերգերի համակարգով և հաստատվում են ՀՖՖ Մրցումների և արտոնագրման դեպարտամենտի կողմից: Յուրաքանչյուր առաջնության մեկնարկից առնվազն 7 օր առաջ ՀՖՖ Մրցումների բաժինը հաստատում է սույն կանոնակարգով սահմանված մրցումների մրցափուլերի օրերը և մարզադաշտերը, ինչի վերաբերյալ տեղեկատվությունը շրջաբերականով ուղարկվում է մասնակից ակումբների պաշտոնական էլեկտրոնային փոստի հասցեներին և Ֆուտբոլի կառավարման համակարգի միջոցով: Մրցափուլերի օրերը և մարզադաշտերը կարող են փոփոխվել միայն ՀՖՖ Մրցումների բաժնի որոշմամբ:

12.03. Հաստատված խաղացանկում փոփոխությունները կատարվում են միայն ՀՖՖ Մրցումների բաժնի որոշմամբ՝ տվյալ խաղին մրցող երկու ակումբների գրությունների հիման վրա, որը պետք է ներկայացվի նվազագույնը 2 աշխատանքային օր առաջ: Յուրաքանչյուր դեպքում վերջնական որոշումը կայացնում է ՀՖՖ Մրցումների բաժինը՝ ելնելով փոփոխության նպատակահարմարությունից:

12.04. Այն թիմերը, որոնք խաղն անցկացնելու ժամանակահատվածում հինգ և ավելի խաղացողներ են գործուղել ՀՀ պատանեկան հավաքականներ, հանդիպումները հետաձգելու համար կարող են խաղացանկով նախատեսված օրից ոչ ուշ քան երկու աշխատանքային օր առաջ գրավոր դիմել ՀՖՖ Մրցումների բաժնի:

12.05. Թիմերի մեկնարկային դիրքերը մրցաշարային աղյուսակներում որոշվում է վիճակահանությամբ: Վիճակահանությունը կազմակերպվում է ՀՖՖ Մրցումների բաժնի կողմից և անցկացվում է խաղաշրջանը սկսելուց առնվազն 10 օր առաջ՝ բացառությամբ ֆորս-մաժորային իրավիճակների:

Հոդված 13. Խաղի անցկացման կարգը

13.01. Սույն կանոնակարգով սահմանված մանկապատանեկան մրցումների շրջանակներում խաղերը կազմակերպվում և անցկացվում են՝ համաձայն գործող ԻՖԱԲ խաղի կանոնների սույն կանոնակարգի, ինչպես նաև ՀՖՖ, ՖԻՖԱ և ՈՒԵՖԱ՝ պաշտոնական խաղերի անցկացումը կարգավորող այլ փաստաթղթերի:

13.02. Խաղի կանոնների փոփոխություններ (U-12, U-11, U-10, U-9, U-8 տարիքային խմբեր)

Մ-12 և Մ-11 տարիքային խմբերի առաջնություններում տուգանային, ազատ և անկյունային հարվածների ժամանակ մրցակից թիմի ֆուտբոլիստները պետք է գտնվեն գնդակից նվազագույնը 7մ հեռավորության վրա, իսկ Մ-10, Մ-9 և Մ-8 տարիքային խմբերի առաջնություններում՝ 5մ հեռավորության վրա:

Մ-12 և Մ-11 տարիքային խմբերի առաջնություններում «խաղից դուրս» վիճակը գործում է միայն դարպասային գծին զուգահեռ և դարպասային գծից 12մ հեռավորության վրա սահմանված տարածքում (տե՛ս Մ-12՝ Գծագիր 2-ը, Մ-11՝ Գծագիր 3-ը):

Մ-10, Մ-9 և Մ-8 տարիքային խմբերի առաջնություններում «խաղից դուրս» վիճակը չի գործում: Հետադարձ փոխարինումը թույլատրվում է:

Մ-10, Մ-9 և Մ-8 տարիքային խմբերի առաջնություններում դարպասապահին չի թույլատրվում գնդակը ձեռքով որսալ թիմակցի կողմից կատարված ոտքով փոխանցումից հետո՝ համաձայն գործող ԻՖԱԲ խաղի կանոնների:

Խաղերի տևողությունը՝

Մ-18 և Մ-17 առաջնություններում 90 րոպե (45 + 45)՝ մինչև 15 րոպե ընդմիջումով,
 Մ-16 և Մ-15 առաջնություններում 80 րոպե (40 + 40)՝ մինչև 15 րոպե ընդմիջումով,
 Մ-14 և Մ-13 առաջնություններում 70 րոպե (35 + 35)՝ մինչև 15 րոպե ընդմիջումով,
 Մ-12, Մ-11, Մ-10, Մ-9, Մ-8 առաջնություններում 60 րոպե (30 + 30)՝ 3-5 րոպե ընդմիջումով:

13.03. Խաղերի սպասարկումն իրականացնում են ՀՀՖ Մրցավարական և տեսչական դեպարտամենտի կողմից նշանակված մրցավարներն ու տեսուչը:

Հոդված 14. Մրցաշարային աղյուսակում թիմերի դասակարգումը

14.01. Մանկապատանեկան Մ-18 /A/, Մ-17/AB/, Մ-16/AB/, Մ-15/ABC/, Մ-14 /ABC/ առաջնությունների և Մ-13Մ (կանոնավոր առաջնության) խմբերի առաջնություններում մրցաշարային աղյուսակում թիմերը դասակարգվում են ըստ վաստակած միավորների: Յուրաքանչյուր խաղի արդյունքներով գրանցած հաղթանակի համար թիմին շնորհվում է 3 միավոր, ոչ-ոքիի համար՝ 1 միավոր, իսկ պարտության դեպքում միավոր չի շնորհվում:

14.02. Մ-12, Մ-11, Մ-10, Մ-9 և Մ-8 մանկապատանեկան խաղերի ժամանակ մրցաշարային աղյուսակ չի կազմվում, իսկ հանդիպումների գույերը և արդյունքները չեն արձանագրվում:

14.03. Մրցաշարային աղյուսակում երկու և ավելի թիմերի միավորների հավասարության դեպքում թիմերի դասակարգման ժամանակ առավելությունն՝ ըստ ստորև նշված հերթականության, տրվում է այն թիմին, որը՝

- ա) հավակնորդ թիմերի միջև խաղերում վաստակել է ավելի շատ միավոր,
- բ) հավակնորդ թիմերի միջև խաղերում ունի խփած և բաց թողած գնդակների լավագույն տարբերություն,
- գ) հավակնորդ թիմերի միջև խաղերում խփել է ավելի շատ գոլ,
- դ) տվյալ առաջնության բոլոր հանդիպումներում ունի ավելի շատ հաղթանակ,
- ե) տվյալ առաջնության բոլոր հանդիպումներում ունի խփած և բաց թողած գնդակների լավագույն տարբերություն,
- զ) տվյալ առաջնությունում ստացել է ավելի քիչ կարմիր քարտ,
- է) տվյալ առաջնությունում ստացել է ավելի քիչ դեղին քարտ,
- ը) ունի «Արդար խաղ»-ի առավել բարձր ցուցանիշ,
- թ) ընտրվել է վիճակահանությամբ:

Հոդված 15. Չկայացած և անավարտ խաղերը

15.01. Չկայացած կամ անավարտ են համարվում այն խաղերը, որոնք համապատասխանաբար չեն կայացել կամ ընդհատվել են և չեն շարունակվել հետևյալ պատճառներից որևէ մեկի հիմքով՝

- ա) եղանակային անբարենպաստ պայմաններ,
- բ) ֆորս-մաժորային իրավիճակ,
- գ) լուսավորման համակարգի խափանում, որը տեղի է ունեցել անկախ դաշտի տեր ակումբի կամքից, և որը հնարավոր չի եղել վերականգնել 60 րոպեի ընթացքում,
- դ) թիմի կողմից խաղադաշտի լքում,
- ե) երրորդ անձանց միջամտություն, որն էականորեն խոչընդոտում կամ անհնար է դարձնում խաղի հետագա բնականոն ընթացքը և/կամ ազդում է խաղի արդյունքի վրա,
- զ) թիմի ֆուտբոլիստի, անձնակազմի անդամի, պաշտոնյայի և/կամ երկրպագուի անկարգապահ վարքագիծ, որը անհնար է դարձնում խաղի հետագա բնականոն ընթացքը և/կամ ազդում է խաղի արդյունքի վրա,

է) հասարակական կարգի այնպիսի խախտում, որը անհնար է դարձնում խաղի հետագա բնականոն ընթացքը և/կամ ազդում է խաղի արդյունքի վրա,

ը) թիմի կազմում խաղադաշտում 7-ից (Մ-10, Մ-9 և Մ-8 տարիքային խմբերի առաջնություններում՝ 5-ից) պակաս ֆուտբոլիստների առկայություն,

թ) անկանխատեսելի հանգամանք, որն անհնար է դարձնում խաղի մեկնարկը, դրա ընթացքը և/կամ շարունակությունը կամ ազդում է խաղի արդյունքի վրա,

ժ) սույն կանոնակարգի 24.04 կետում նկարագրված՝ խաղի ժամանակահատվածում բժշկի բացակայության դեպքում:

15.02. Խաղը անցկացնելու, չանցկացնելու, խաղի մեկնարկը հետաձգելու մասին որոշումը կայացնում է խաղի մրցավարը՝ հիմնվելով գործող ԻՖԱԲ խաղի կանոնների վրա:

15.03. Եթե խաղը չի կայացել կամ ընդհատվել ու չի շարունակվել սույն հոդվածի 15.01 մասի «ա», «բ» կամ «գ» կետերի հիմքով՝ անկախ ակումբների կամքից, ապա այն տեղի է ունենում կամ շարունակվում է հաջորդ օրը նույն մարզադաշտում՝ խաղի ընդհատման բույսերին հաջորդող բույսերից: Եթե հանդիպումը չի կարող նշանակվել հաջորդ օրը, ապա ՀՀՖ Մրցումների բաժինը նշանակում է հանդիպումը մեկ այլ օր կամ օրացուցային պահեստային օր:

15.04. Տեղափոխված հանդիպման անցկացման վայրը մնում է անփոփոխ: Եթե որոշակի հանգամանքներով պայմանավորված հնարավոր չէ խաղն անցկացնել նախանշված վայրում, ապա ՀՀՖ Մրցումների բաժինը պետք է հանդիպումը վերանշանակի մեկ այլ խաղադաշտում:

15.05. Ֆորս-մաժորային իրավիճակներում և որոշ բացառություն կազմող դեպքերում, որոնց առկայության պարագայում վտանգվում է հանդիպման անցկացումը կամ հետագա ընթացքը, դաշտի տեր ակումբը պարտավոր է ապահովել այլընտրանքային մարզադաշտով: ՀՀՖ Մրցումների բաժինը կարող է կիրառել բացառություններ այլընտրանքային մարզադաշտերի՝ կայացնելով վերջնական որոշում հիմք ընդունելով ՀՀՖ Ենթակառուցվածքային և ՀՀՖ Մանկապատենական ֆուտբոլի մրցումների անցկացման կանոնակարգերի պահանջները, ինչպես նաև տվյալ խաղի մրցավարի եզրակացությունը:

15.06. Եթե մրցավարը որոշել է ընդհատել խաղը, ապա մնացած խաղաժամանակը պետք է անցկացվի հետևյալ պայմաններում՝

ա) Խաղի արձանագրությունում պետք է լինեն միայն այն խաղացողները և թիմերի անձնակազմերի անդամները, որոնք հանդիպման դադարեցման պահին գտնվել են խաղադաշտում և/կամ պահեստայինների նստարանին: Բացառություն են կազմում այն խաղացողները և թիմերի անձնակազմերի անդամները, որոնք մինչ հանդիպման դադարեցման պահը փոխարինվել են (բացառությամբ Մ-8-ից մինչև Մ-12 տարիքային խմբերում) կամ հեռացվել: Հանդիպման դադարեցման պահին խաղադաշտում գտնված խաղացողները չպետք է նշվեն արձանագրության մեջ՝ որպես պահեստային խաղացող, երբ հանդիպումը վերսկսվի:

բ) Բոլոր կարգապահական տույժերն ու պատժամիջոցները, որոնք եղել են մինչ հանդիպման դադարեցումը, մնում են անփոփոխ:

գ) Բոլոր զգուշացումները, որոնք տրվել են մինչ հանդիպման դադարեցումը, չեն հաշվարկվում դեղին քարտերի հաշվարկում, քանի դեռ հանդիպումն ամբողջությամբ չի ավարտվել:

դ) Մինչ խաղի դադարեցումը հեռացված ֆուտբոլիստ(ներ)ը չեն կարող փոխարինվել մնացած խաղաժամանակում, և մեկնարկային կազմի խաղացողների քանակը մնում է անփոփոխ, որքան կազմում էր մինչ խաղի դադարեցվելը:

ե) հանդիպումը պետք է վերսկսվի նույն տեղում, որտեղ հանդիպումը դադարեցվել է (այսինքն՝ տուգանային հարված, եզրային նետում, դարպասից հարված, անկյունային հարված, 11-մետրանոց հարված և այլն): Եթե խաղն ընդհատվում է իր բնականոն ընթացքի պահին, ապա պետք է վերսկսվի վիճաբանական գնդակի նետումով,

զ) անավարտ հանդիպման դադարի ժամը, դադարեցնելու պատճառը, կայացրած կարգապահական տույժերը և հանդիպման խաղացված հատվածի հաշիվը պետք է արտացոլվեն ՀՀՖ ֆուտբոլի կառավարման համակարգում և արձանագրության թղթային տարբերակում, եթե այդպիսին օգտագործվում է, ինչպես նաև՝ տեսուչի, մրցավարի հաշվետվության մեջ: Հանդիպման խաղացված հատվածի հաշիվը և կարգապահական տույժերը հանդիպման վերսկսումից հետո պահպանվում են:

15.07. Եթե անավարտ խաղին մասնակցած ֆուտբոլիստ(ներ)ը՝ առողջական խնդիրների պատճառով չի/չեն կարող մասնակցել խաղի շարունակությանը, իսկ թիմի՝ փոխարինումներ կատարելու հնարավորությունները սպառվել են, ապա ֆուտբոլիստ(ներ)ը կարող է/են փոխարինվել տվյալ խաղի արձանագրությունում նշված այն ֆուտբոլիստ(ներ)ով, որը (որոնք) ընդհատված խաղին չի/չեն մասնակցել

(բացառությամբ Մ-8-ից մինչև Մ-12 տարիքային խմբերում): Եթե տվյալ խաղի արձանագրությունում պահեստային ֆուտբոլիստներ չկան, ապա տվյալ թիմը խաղին մասնակցում է առողջական խնդիրների պատճառով խաղի շարունակությանը մասնակցել չկարողացած ֆուտբոլիստների թվին հավասար պակաս թվով ֆուտբոլիստներով:

15.08. Սույն հոդվածի 15.07 մասում նշված առողջական խնդիրների մասին ակումբը խաղի շարունակության մեկնարկից առնվազն մեկ ժամ առաջ հայտնում է խաղի մրցավարին՝ նրան փոխանցելով թիմի գլխավոր մարզչի և ակումբի բժշկի կողմից ստորագրված տեղեկանք, ինչպես նաև ՀՖՖ Բժշկական դեպարտամենտի պահանջով ակումբը պարտավոր է ներկայացնել որևէ բժշկական հաստատության կողմից ներկայացված տեղեկանք տվյալ առողջական խնդրի մասին:

15.09. Սույն հոդվածի 15.01 մասի «դ»-ից «թ» կետերով ամրագրված հիմքերով խաղն ընդհատվելու պարագայում այն չի շարունակվում և չկայանալու պարագայում՝ չի վերախաղարկվում:

15.10. Սույն հոդվածի 15.01 մասի «դ»-ից «թ» կետերով ամրագրված հիմքերով խաղն ընդհատվելու կամ չկայանալու դեպքում մեղավոր թիմին գրանցվում է տեխնիկական պարտություն՝ 0-3 հաշվով, իսկ մրցակցին՝ տեխնիկական հաղթանակ 3-0 հաշվով: Եթե խաղն ընդհատվել կամ չի կայացել երկու թիմերի մեղավորության կամ դիտավորության պատճառով, ապա երկու թիմերին գրանցվում է տեխնիկական պարտություն՝ 0-3 հաշվով (բացառությամբ Մ-8-ից մինչև Մ-12 տարիքային խմբերում): ՀՖՖ Կարգապահական և Էթիկայի կոմիտեն իրավասու է սահմանել այլ պատժամիջոցներ ՀՖՖ Կարգապահական և Էթիկային կանոնակարգի շրջանակներում:

15.11. Սույն հոդվածի 15.01 մասի «զ» կետով սահմանված դեպքում խաղի ընդհատման կամ չկայանալու դեպքում դաշտի տեր ակումբը պարտավոր է հյուր թիմին փոխհատուցել խաղի մասնակցության համար կատարված բոլոր փաստացի ծախսերը:

15.12. Եթե խաղը չի կայացել կամ ընդհատվել է լուսավորման համակարգի խափանման պատճառով, և դաշտի տեր ակումբը չի ապացուցում ՀՖՖ-ին, որ այդ խափանումը տեղի չի ունեցել դաշտի տեր ակումբի մեղքով, ապա այդ ակումբի թիմին գրանցվում է տեխնիկական պարտություն՝ 0-3 հաշվով:

15.13. Եթե թիմերի ֆուտբոլիստների կողմից դրսևորվել է այնպիսի անվայել վարքագիծ, որն անհնար է դարձրել խաղի մեկնարկը կամ շարունակությունը, ապա խաղը համարվում է կայացած, բայց թիմերի հաշվին միավոր չի գրանցվում:

15.14. Եթե խաղի արդյունքը չեղյալ է համարվել, ապա խաղի ընթացքում գրանցված գոլերը ուժարկունների հաշվարկում չեն ներառվում, իսկ կարգապահական բոլոր տույժերը, ինչպես նաև դեղին և կարմիր քարտերը մնում են ուժի մեջ:

15.15. Չկայացած կամ անավարտ խաղերը, որտեղ որևէ թիմի հաշվին գրանցվել է տեխնիկական պարտություն, չեն կարող հաշվարկվել որպես որակագրկումը մարելու միջոց: Բացառությամբ՝ եթե տվյալ հանդիպումը չի կայացել կամ անավարտ է մնացել ոչ տվյալ թիմի մեղքով:

15.16. Ֆուտբոլիստների, թիմի անձնակազմի անդամների և ակումբի պաշտոնյաների որակագրկումները գործում են մինչև վերջիններիս կողմից բաց թողնվելիք խաղի/խաղերի, իսկ մեկից ավել խաղերի պարագայում՝ մինչև վերջին խաղի ավարտը ներառյալ: Որակագրկված ֆուտբոլիստը, թիմի անձնակազմի անդամը կամ պաշտոնյան իրավունք ունի մասնակցելու տվյալ խաղին, եթե բաց թողնվելիք վերջին խաղը տվյալ խաղի մեկնարկից առնվազն 60 րոպե առաջ ամբողջությամբ ավարտվել է:

Որակագրկումները համարվում են մարված, երբ Ֆուտբոլի կառավարման համակարգում (FMS) մրցավարը բաց թողնվելիք խաղի/խաղերի կարգավիճակը դարձնում է «հրապարակված»:

15.17. Անավարտ կամ չկայացած խաղի ընդհատվելու կամ չկայանալու պատճառը, ժամանակը և հաշիվը գրանցվում են տվյալ խաղի արձանագրության մեջ և տեսուչի կամ մրցավարի զեկույցում:

15.18. Սույն հոդվածի 15.01 մասում նշված որևէ հիմքով ընդհատված, սակայն 30 րոպեի ընթացքում վերսկսած և բնականոն ընթացքով շարունակված խաղը անավարտ խաղ չի համարվում: Այդ խաղը վերսկսվում է ընդհատման րոպեին հաջորդող րոպեից, և խաղի շարունակության ժամանակ գործում են այն բոլոր կարգավորումները և կանոնները, որոնք կգործեն չընդհատված խաղի դեպքում: Այդ խաղի արձանագրությունում նշում է կատարվում խաղի ընդհատման պատճառի, ընդհատման և վերսկսման ժամերի, ինչպես նաև տեսուչի և/կամ մրցավարի կողմից կարևոր համարվող այլ հանգամանքների մասին:

Հոդված 16. Թիմերի չներկայանալը խաղին, առաջնություններին մասնակցությունից հրաժարվելը կամ առաջնություններից հեռացվելը

16.01. Անհարգելի պատճառով խաղին չներկայանալու, ինչպես նաև մարզադաշտը խաղի համար ժամանակին չտրամադրելու կամ անպատրաստ տրամադրելու դեպքում, խաղը համարվում է չկայացած: Մեղավոր թիմին գրանցվում է տեխնիկական պարտություն:

16.02. Եթե թիմը Մ-18, Մ-17, Մ-16 առաջնություններում՝ 40 րոպե, Մ-14, Մ-13, Մ-12, Մ-11, Մ-10, Մ-9 և Մ-8 առաջնություններում՝ 30 րոպե առաջ չի ներկայացել մարզադաշտ և չի տեղեկացրել ուշացման պատճառների մասին ՀՀ Մրցումների և արտոնագրման դեպարտամենտին, ապա կարող է համարվել խաղին չներկայացված: Տեղեկացնելու դեպքում խաղասկիզբը կարող է հետաձգվել՝ ոչ ավելի քան Մ-18, Մ-17, Մ-16 առաջնությունում՝ 40 րոպե, Մ-14, Մ-13, Մ-12, Մ-11, Մ-10, Մ-9 և Մ-8 առաջնություններում՝ 30 րոպե: Խաղի անցկացման վերաբերյալ վերջնական որոշումը կայացնում է մրցավարը կամ տեսուչը՝ նախապես քննարկելով ՀՀ Մրցումների բաժնի հետ:

16.03. Սույն կանոնակարգի դրույթները պարբերաբար խախտելու, ՀՀ-ի որոշումները չկատարելու և իր գործողություններով կամ անգործությամբ ՀՀ-ի, ՖԻՖԱ-ի և ՈՒԵՖԱ-ի հիմնարար սկզբունքները ոտնահարելու դեպքում թիմը ՀՀ Կարգապահական և Էթիկայի կոմիտեի որոշմամբ ՀՀ Կարգապահական և Էթիկայի կանոնակարգով սահմանված կարգով կարող է հեռացվել տվյալ առաջնությունից:

16.04. Եթե ՀՀ Կարգապահական և Էթիկայի կոմիտեի կողմից տվյալ առաջնությունից հեռացված թիմը մասնակցել է 50% կամ պակաս խաղերի, ապա այդ խաղերի արդյունքները չեղյալ են համարվում, և տվյալ թիմի ու մրցակից թիմերի կողմից այդ խաղերում վաստակած միավորները, խփած և բաց թողած գնդակները, ինչպես նաև դեղին և կարմիր քարտերը զրոյացվում են՝ բացառությամբ ՀՀ Կարգապահական և Էթիկայի կոմիտեի որոշմամբ սահմանված որակագրկումների: Եթե թիմը մասնակցել է տվյալ առաջնության 50%-ից ավել խաղերի, ապա այդ խաղերում վաստակած միավորները, խփած և բաց թողած գնդակները, ինչպես նաև դեղին և կարմիր քարտերը մնում են ուժի մեջ, բայց տվյալ թիմը հեռացվում է առաջնությունից: Այն թիմերի օգտին, որոնք տվյալ առաջնության մնացած հատվածում հանդիպելու էին հեռացված թիմի հետ, մնացած բոլոր խաղերում գրանցվում է տեխնիկական հաղթանակ 3:0 հաշվով:

16.05. Այն դեպքում, երբ առաջնությունից հեռացված թիմի դեմ խաղերում ստացած դեղին քարտ(եր)ը զրոյացվել են, սակայն այդ խաղերում ստացած դեղին քարտ(եր)ի պատճառով

մինչև թիմի առաջնությունից հեռացումը ֆուտբոլիստն արդեն բաց էր թողել սահմանված քանակի խաղ, ապա այդ ֆուտբոլիստը չպետք է բաց թողնի խաղ հեռացված թիմի քարտերը զրոյացնելուց հետո կրկին որակազրկման նույն քանակի դեղին քարտեր կուտակելուց հետո:

16.06. Եթե Կարգապահական և Էթիկայի կոմիտեի կողմից ընդունված որոշմամբ թիմը հեռացվել է Գավաթի խաղարկությունից կամ զրկվել է տվյալ մրցաշրջանում ՀՖՖ հովանու ներքո անցկացվող մրցումների խաղերին մասնակցելու իրավունքից, ապա Գավաթի խաղարկությունում տվյալ թիմի արդեն անցկացրած բոլոր խաղերի արդյունքները չեղյալ են համարվում, և այդ խաղերի ընթացքում ֆուտբոլիստների ստացած դեղին և կարմիր քարտերը զրոյացվում են՝ բացառությամբ ՀՖՖ Կարգապահական և Էթիկայի կոմիտեի որոշմամբ սահմանված որակազրկումների: Սույն կետի դրույթները կիրառվում են նույնիսկ այն դեպքերում, եթե մինչև հեռացումը տվյալ թիմն արդեն դուրս էր մնացել Գավաթի խաղարկությունից:

Հոդված 17. Վիճարկում

17.01. Ակումբները կարող են վիճարկել գործող ԻՖԱԲ խաղի կանոնների կամ սույն կանոնակարգի դրույթների այնպիսի խախտումը, որն ազդել է խաղի ելքի վրա՝ համաձայն ՀՖՖ Կարգապահական և Էթիկայի կանոնակարգի համապատասխան դրույթների:

ԳԼՈՒԽ 3: ՄՐՑՈՒՄՆԵՐԸ ՍՊԱՍԱՐԿՈՂ ԱՆՁՆԱԿԱԶՄԸ

Հոդված 18. Սպասարկող անձնակազմի նշանակում

18.01. Խաղը սպասարկող մրցավարական անձնակազմը և տեսուչը նշանակվում են ՀՖՖ-ի Մրցավարական և տեսչական դեպարտամենտի կողմից հետևյալ կազմով՝ Մ-18 և Մ-17 առաջնությունների խաղերին՝ տեսուչ, մրցավար, մրցավարի երկու օգնական, 4-րդ պաշտոնյա, Մ-16, Մ-15, Մ-14, Մ-13, Մ-12 և Մ-11 խաղերին՝ մրցավար, մրցավարի երկու օգնական, Մ-10, Մ-9 և Մ-8 խաղերին՝ մրցավար:

18.02. Խաղը սպասարկող անձնակազմում տեսուչի բացակայության դեպքում տեսուչի պարտականությունները ենթակա են կատարման խաղի մրցավարի կողմից:

18.03. Ակումբների կամ այլ կազմակերպությունների պահանջով կամ խնդրանքով սպասարկող անձնակազմի կամ վերջինիս առանձին անդամների նշանակում կամ փոխարինում չի կատարվում:

Հոդված 19. Սպասարկող անձնակազմի անդամների գործառույթները

19.01. Խաղը անցկացնելու, չանցկացնելու, խաղի մեկնարկը հետաձգելու որոշումը պատկանում է խաղի տեսուչին և/կամ մրցավարին, որի վերաբերյալ համապատասխան գրառում է կատարվում խաղի արձանագրությունում:

Նախախաղային խորհրդակցությունից առաջ տվյալ հանդիպման մրցավարը ստուգում է խաղադաշտի որակը և մարզադաշտի համապատասխանելիությունը սահմանված չափանիշներին և կայացնում է վերջնական որոշում խաղը տվյալ մարզադաշտում անցկացնելու կամ հետաձգելու վերաբերյալ՝ նախապես խորհրդակցելով ՀՖՖ Մրցումների բաժնի հետ:

19.02. Սպասարկող անձնակազմի բոլոր անդամներին արգելվում է խաղին մեկնել (վերադառնալ) տվյալ խաղի մասնակից ակումբներից որևէ մեկի հետ և/կամ իջևանել միասին՝ բացառությամբ ֆորս-մաժորային իրավիճակների՝ նախապես տեղեկացնելով ՀՖՖ Մրցումների բաժնին:

19.03. Մ-18, Մ-17, Մ-16 առաջնությունում՝ խաղասկզբից ոչ ուշ, քան 40 րոպե, Մ-14, Մ-13, Մ-12, Մ-10, Մ-11, Մ-9 և Մ-8 առաջնություններում՝ 30 րոպե առաջ, մրցավարական

անձնակազմը ստուգում է մասնակից թիմերի կողմից Ֆուտբոլի կառավարման համակարգում և թղթային արձանագրությունում, եթե այդպիսին օգտագործվում է, տրամադրված խաղացողների ցուցակները, որոնց համապատասխանելիության համար պատասխանատու են դրանք ներկայացնող ակումբները:

19.04. Մրցավարները խաղասկզբից առնվազն 5 րոպե առաջ պետք է ստուգեն թիմերի մեկնարկային կազմերի ֆուտբոլիստների, ինչպես նաև խաղի ընթացքում փոխարինվող ֆուտբոլիստների ինքնությունը ֆուտբոլիստների ՀՖՖ նույնականացման քարտերի միջոցով:

19.05. Ֆուտբոլիստների վնասվածք ստանալու դեպքում թիմերի բուժանձնակազմին խաղադաշտ մուտք գործելու իրավունքը տալիս է միայն մրցավարը:

19.06. Հանդիպման մրցավարը խաղավարտից հետո ոչ ուշ, քան մինչև խաղի հաջորդ օրը՝ ժամը 12:00-ն, կազմում է խաղի արձանագրությունը՝ մուտքագրելով այն ՀՖՖ Ֆուտբոլի կառավարման համակարգ:

19.07. Եթե տեխնիկական պատճառներով հնարավոր չէ լրացնել հաշվետվությունը ՀՖՖ Ֆուտբոլի կառավարման համակարգում, ապա մրցավարը պետք է արձանագրությունը լրացնի գրավոր, ներկայացնի այն ՀՖՖ Մրցավարական և տեսչական դեպարտամենտին, այնուհետև 24 ժամվա ընթացքում լրացնի իր հաշվետվությունն առցանց:

ԳԼՈՒԽ 4: ՄԱՐԶԱԴԱՇՏԸ ԵՎ ԱՆՎՏԱՆԳՈՒԹՅՈՒՆԸ

Հոդված 20. Անվտանգության ապահովումը

20.01. Բոլոր տարիքային խմբերի առաջնությունների, գավաթի խաղարկության շրջանակներում դաշտի տեր ակումբը պետք է ապահովի մարզադաշտում և դրա հարակից տարածքներում ոստիկան(ներ)ի և/կամ անվտանգության աշխատակիցների պարտադիր ներկայությունը և վերջիններիս աշխատանքային պարտականությունների կատարումը:

20.02. Բոլոր տարիքային խմբերի առաջնություններում ոստիկան(ներ)ի և/կամ անվտանգության աշխատակիցների բացակայության դեպքում խաղի տեսուչը/մրցավարը, նախապես կապ հաստատելով ՀՖՖ Մրցումների բաժնի և ՀՖՖ Մրցավարական և տեսչական դեպարտամենտի հետ, կարող է որոշում կայացնել խաղը անցկացնելու կամ չանցկացնելու վերաբերյալ:

20.03. Բոլոր տարիքային խմբերի առաջնությունների, գավաթի խաղարկության շրջանակներում խաղի ժամանակահատվածում ոստիկանի բացակայության դեպքում դաշտի տեր ակումբը կարող է ապահովել անվտանգությունը սեփական միջոցներով, որի մասին խաղասկզբից առնվազն 20 րոպե առաջ տվյալ խաղին մրցող երկու ակումբները խաղի մրցավարին են ներկայացնում համաձայնության գրություն: Տվյալ իրավիճակի ի հայտ գալու դեպքում՝ խաղի մրցավարը հրավիրում է արտակարգ ժողով մասնակից թիմերի մասնակցությամբ, որի ընթացքում, նախապես քննարկելով ՀՖՖ Մրցումների բաժնի և ՀՖՖ Մրցավարական և տեսչական դեպարտամենտի հետ, մրցող թիմերին տեղեկացվում է կայացված որոշման մասին: Անվտանգությունը պատշաճ չապահովվելու դեպքում պատասխանատվությունը կրում է դաշտի տեր ակումբը՝ համաձայն ՀՖՖ Կարգապահական և էթիկայի կանոնակարգի համապատասխան դրույթների:

20.04. Բոլոր տարիքային խմբերի առաջնություններում դաշտի տեր ակումբի անվտանգության աշխատակիցները պետք է համագործակցեն ոստիկանության աշխատակիցների հետ, որպեսզի մարզադաշտ մուտք գործելու արգելք ստացած կամ մարզադաշտից հեռացված որևէ անձ չստանա մարզադաշտ մուտք գործելու թույլտվություն:

20.05. Մարզադաշտում գտնվող հանդիսատեսներին դաշտի տեր ակումբը պետք է արգելի՝

ա) մարզադաշտում տեղի ունեցող մարզական միջոցառման կազմակերպիչների, մարզադաշտի սեփականատիրոջ և/կամ օրինական տիրապետողի կողմից արգելված վայրերում ծխելը,

բ) հանդիսատեսների օգտագործման համար չնախատեսված շինություններում ու կառույցներում գտնվելը (ֆասադներ, ցանկապատեր, պատեր, արգելապատնեշներ, լուսավորության սյուներ, հեռուստատեսային տեսախցիկների պլատֆորմներ, ծառեր, տանիքներ և այլն):

գ) այնպիսի բղավոցները, վանկարկումները, երգերի կատարումը, նշանների և/կամ այլ խորհրդանիշների հասարակական ցուցադրումը, տպագիր նյութերի տարածումը, ինչպես նաև այլ այնպիսի գործողությունների կատարումը, որոնք վիրավորում են միջոցառման մասնակիցների և/կամ հանդիսատեսի արժանապատվությունը, վարկաբեկում են նրանց, կրում են ծայրահեղական բնույթ կամ պարունակում են ռասսայական, սոցիալական, ազգային կամ ցանկացած այլ խտրական վերաբերմունք,

դ) մարզադաշտի տարածք մտցնել ցանկացած տեսակի զենք, զինամթերք, կտրող և/կամ ծակող առարկաներ, արցունքաբեր ու նյարդային ազդեցություն ունեցող գազային բալոններ, որպես զենք օգտագործվելու ենթակա կամ հանդիսատեսների առողջությանը հավանական վնաս պատճառող այլ առարկաներ, այդ թվում՝ հովանոցներ, ծանր առարկաներ,

ե) մարզադաշտի տարածք մտցնել դյուրավատ ցանկացած նյութ՝ անկախ դրա տեսակից՝ ներառյալ այն նյութերը, որոնք կարող են օգտագործվել դյուրավատ նյութերի կամ ծխի պատրաստման համար (բացառությամբ ծխախոտի, գրպանի պլաստմասե կրակայրիչի), այդ թվում՝ ծխարձակիչներ, ճայթրուկներ, ազդանշանային հրթիռներ, պայթուցիկ, թունավոր և հոտավետ նյութեր, ռադիոակտիվ նյութեր, գազի բալոններ, վառելանյութեր (բացառությամբ լուցկիների, կրակայրիչների և ծխախոտի, այդ թվում՝ էլեկտրոնային):

20.06. Բոլոր տարիքային խմբերի առաջնություններում դաշտի տեր ակումբը ուստիկանության աշխատակցի կամ մարզադաշտի անվտանգության պատասխանատուի հետ միասին պետք է կանխի մարզադաշտի ներսում/մերձակայքում հանդիսատեսի (երկրպագուների) կողմից իրականացվող ցանկացած սադրիչ գործողություն (ֆուտբոլիստների, մրցավարների, հակառակորդ թիմի երկրպագուների հանդեպ սադրիչ խոսքեր, ռասիստական վարքագիծ, պաստառներ կամ դրոշներ և այլն):

20.07. Նման գործողություններ տեղի ունենալու դեպքում դաշտի տեր ակումբը, ոստիկանության աշխատակիցը կամ տվյալ ակումբի անվտանգության պատասխանատուն պետք է այդ մասին հայտարարեն և հեռացնեն ցանկացած վիրավորական նյութերը մարզադաշտի տարածքից:

20.08. Դաշտի տեր ակումբը խաղի ժամանակահատվածում պարտավոր է ապահովել հյուր թիմի և սպասարկող անձնակազմի անվտանգությունը:

20.09. Ոստիկանության աշխատակիցները պետք է լինեն համապատասխան համազգեստով, իսկ անվտանգության աշխատակիցները՝ տարբերիչ համազգեստով:

ԳԼՈՒԽ 5: ԴԱՇՏԻ ՏԵՐ ԱԿՈՒՄԲԸ

Հոդված 21. Դաշտի տեր ակումբի պարտականությունները

Դաշտի տեր ակումբը պարտավոր է՝

21.01. Յուրաքանչյուր խաղի անցկացման համար տրամադրել մրցավարին առնվազն երեք գնդակ:

21.02. Յուրաքանչյուր խաղի մեկնարկից առաջ հյուր թիմին տրամադրել առնվազն հինգ գնդակ:

21.03. Ապահովել բժշկական անձնակազմի ներկայությունը խաղին՝ համաձայն Հոդված 23-ի:

21.04. Տրամադրել թիմերի և մրցավարների համար նախատեսված հանդերձարաններ:

21.05. Տրամադրել նախախաղային խորհրդակցության համար պատշաճ սենյակ՝ ապահովված համապատասխան քանակի աթոռներով, ինչպես նաև մարզահագուստների ստուգման և մրցավարական անձնակազմի համար նախատեսված սեղաններով:

21.06. 4-րդ պաշտոնյային տրամադրել փոխարինման էլեկտրոնային կամ մեխանիկական (միայն Մ-18 և Մ-17 առաջնություններում) սարքին ցուցատախտակ և եզրային մրցավարի համար նախատեսված, գործող ԻՖԱԲ խաղի կանոններին համապատասխանող նվազագույնը 2 հատ դրոշակ:

21.07. Արգելել կողմնակի, որակագրկված անձանց մուտքը մրցավարական հանդերձարան:

21.08. Տրամադրել սպասարկող անձնակազմին գործարանային արտադրության անհրաժեշտ քանակի ջուր և հյուրասիրություն:

ԳԼՈՒԽ 6: ԽԱՂԵՐԻ ԿԱԶՄԱԿԵՐՊՈՒՄԸ

Հոդված 22. Նախախաղային խորհրդակցությունը

22.01. Մ-18, Մ-17, Մ-16 առաջնությունում՝ 40 րոպե, Մ-15, Մ-14, Մ-13, Մ-12, Մ-11՝ առաջնություններում՝ 30 րոպե, իսկ Մ-10, Մ-9 և Մ-8 առաջնություններում՝ 20 րոպե առաջ խաղի մրցավարի/տեսուչի ղեկավարությամբ անցկացվում է նախախաղային խորհրդակցություն, որին մասնակցում են՝

ա) տեսուչը (միայն Մ-18 և Մ-17 տարիքային խմբերում),

բ) մրցավարը կամ խաղը սպասարկող անձնակազմի ներկայացուցիչը,

գ) մրցող ակումբների ներկայացուցիչները,

դ) ոստիկանության ներկայացուցիչը,

ե) անվտանգության հարցերով պատասխանատուն:

«դ» և «ե» կետերում նշված անձանց մասնակցությունն ապահովում է դաշտի տեր ակումբը:

22.02. Խորհրդակցության ընթացքում հստակեցվում են խաղի անցկացման պայմաններն ու տրվում են համապատասխան հրահանգները մասնակիցներին:

ԳԼՈՒԽ 7. ՖՈՒՏԲՈՒԼԻՍՏՆԵՐԻ ԵՎ ԹԻՄԵՐԻ ԱՆՁՆԱԿԱԶՄԵՐԻ ՀԱՅՏԱՎՈՐՈՒՄԸ ԵՎ ՎԵՐԱՀԱՅՏԱՎՈՐՈՒՄԸ

Հոդված 23. Ֆուտբոլիստների և թիմի անձնակազմի հայտավորումը և վերահայտավորումը

23.01. Մ-18, Մ-17, Մ-16, Մ-15, Մ-14 և Մ-13 տարիքային խմբերի մասնակից յուրաքանչյուր թիմում թույլատրվում է հայտավորել նվազագույնը 18 ֆուտբոլիստի, առավելագույնը՝ 30 ֆուտբոլիստի և մինչև 7 անձնակազմի անդամի:

23.02. Մ-12, Մ-11 տարիքային խմբերի մասնակից յուրաքանչյուր թիմում թույլատրվում է հայտավորել նվազագույնը 16 ֆուտբոլիստի, առավելագույնը՝ 25 ֆուտբոլիստի և մինչև 5 անձնակազմի անդամի:

23.03. Մ-10, Մ-9 և Մ-8 տարիքային խմբերի մասնակից յուրաքանչյուր թիմում թույլատրվում է հայտավորել նվազագույնը 12 ֆուտբոլիստի, առավելագույնը՝ 22 ֆուտբոլիստի և մինչև 5 անձնակազմի անդամ:

23.04. Տարիքային բոլոր խմբերում հայտավորման ենթակա ֆուտբոլիստների նվազագույն քանակը չապահովելու դեպքում ՀՖՖ Կարգապահական և Էթիկայի կոմիտեն կայացնում է որոշում՝ սույն հոդվածի խախտման վերաբերյալ:

23.05. Թիմի անձնակազմի անդամներ են համարվում հետևյալ անձինք՝

- ա) գլխավոր մարզիչ,
- բ) գլխավոր մարզչի օգնական,
- գ) դարպասապահների մարզիչ,
- դ) բժիշկ,
- ե) մերսող/կինեզիստ/ֆիզիոթերապիստ

23.06. Մ-15-ից մինչև Մ-18 տարիքային խմբերի առաջնություններում թիմերի գլխավոր մարզիչները պետք է ունենան ՈՒԵՖԱ-ի առնվազն «Բ» կարգի գործող մարզչական արտոնագիր, իսկ գլխավոր մարզչի օգնականները՝ ՈՒԵՖԱ-ի առնվազն «Ց» կարգի գործող մարզչական արտոնագիր:

Մ-8-ից մինչև Մ-14 տարիքային խմբերի առաջնություններում թիմերի գլխավոր մարզիչները պետք է ունենան ՈԻԵՖԱ-ի առնվազն «Ց» կարգի գործող մարզչական արտոնագիր, իսկ գլխավոր մարզչի օգնականները՝ ՈԻԵՖԱ-ի առնվազն «Ց» կարգի գործող մարզչական արտոնագիր:

23.07. 2026-2027 մրցաշրջանից սկսած.

Մ-13-ից մինչև Մ-18 տարիքային խմբերի առաջնություններում թիմերի գլխավոր մարզիչները պետք է ունենան ՈԻԵՖԱ-ի առնվազն «Բ» կարգի գործող մարզչական արտոնագիր, իսկ գլխավոր մարզչի օգնականները՝ ՈԻԵՖԱ-ի առնվազն «Ց» կարգի գործող մարզչական արտոնագիր:

Մ-8-ից մինչև Մ-12 տարիքային խմբերի առաջնություններում թիմերի գլխավոր մարզիչները պետք է ունենան ՈԻԵՖԱ-ի առնվազն «Ց» կարգի գործող մարզչական արտոնագիր, իսկ գլխավոր մարզչի օգնականները՝ ՈԻԵՖԱ-ի առնվազն «Ց» կարգի գործող մարզչական արտոնագիր:

23.08. 2027-2028 մրցաշրջանից սկսած.

Մ-16-ից մինչև Մ-18 տարիքային խմբերի առաջնություններում թիմերի գլխավոր մարզիչները պետք է ունենան ՈԻԵՖԱ-ի առնվազն «Ա» կարգի գործող մարզչական արտոնագիր, իսկ գլխավոր մարզչի օգնականները՝ ՈԻԵՖԱ-ի առնվազն «Բ» կարգի գործող մարզչական արտոնագիր:

Մ-11-ից մինչև Մ-15 տարիքային խմբերի առաջնություններում թիմերի գլխավոր մարզիչները պետք է ունենան ՈԻԵՖԱ-ի առնվազն «Բ» կարգի գործող մարզչական արտոնագիր, իսկ գլխավոր մարզչի օգնականները՝ ՈԻԵՖԱ-ի առնվազն «Ց» կարգի գործող մարզչական արտոնագիր:

Մ-8-ից մինչև Մ-10 տարիքային խմբերի առաջնություններում թիմերի գլխավոր մարզիչները պետք է ունենան ՈԻԵՖԱ-ի առնվազն «Ց» կարգի գործող մարզչական արտոնագիր, իսկ գլխավոր մարզչի օգնականները՝ ՈԻԵՖԱ-ի առնվազն «Ց» կարգի գործող մարզչական արտոնագիր:

23.09. Մարզիչների հայտավորումների նկատմամբ գործում են հետևյալ պայմաններն ու սահմանափակումները՝

Մարզիչը կարող է միաժամանակ հայտավորված լինել միևնույն տարիքային առաջնության յուրաքանչյուր խմբում հանդես եկող առավելագույնը մեկ թիմի կազմում, այն մարզիչները, որոնք հայտավորված են այնպիսի թիմում, որի ակումբն ունի ՀՊԼ և/կամ ԱԽ առաջնություններին մասնակցող թիմ, չեն կարող հայտավորվել ՀՊԼ և/կամ ԱԽ առաջնություններին մասնակցող թիմ ունեցող մեկ այլ ակումբի մանկապատանեկան որևէ թիմում:

ՀՀ Առաջին Խմբի առաջնության մասնակից թիմում հայտավորված բոլոր մարզիչները՝ բացառությամբ գլխավոր մարզչի, կարող են հայտավորվել միևնույն ակումբի Մ-18A, Մ-17A և Մ-16A տարիքային խմբերի առաջնությունների մասնակից թիմերից միայն մեկում: Միաժամանակ մարզիչը կարող է հայտավորվել այլ ակումբների մանկապատանեկան թիմերում, որոնց ակումբը ներկայացած չէ ՀՊԼ և ԱԽ առաջնություններում: Մարզիչը կարող է միաժամանակ հայտավորված լինել միևնույն տարիքային առաջնության յուրաքանչյուր խմբում հանդես եկող առավելագույնը մեկ թիմի կազմում:

Այն ակումբը, որը ներկայացված է ՀՊԼ-ում, սակայն չունի ԱԽ-ն ներկայացնող թիմ, այդ ակումբի առաջին թիմի և մանկապատանեկան թիմերի մարզիչների համատեղություն չի թույլատրվում:

Այն դեպքում, երբ ակումբի առաջին թիմը ներկայացված է միայն ՀՀ Առաջին Խմբում, այդ դեպքում տվյալ ակումբի Մ-18A, Մ-17A և Մ-16A տարիքային խմբերի առաջնությունների մասնակից թիմերի միայն գլխավոր մարզիչները, որոնք ունեն ՈՒԵՖԱ-ի առնվազն «F» կարգի գործող մարզչական արտոնագիր, կարող են հայտավորվել ՀՀ Առաջին Խմբի առաջնության մասնակից թիմում:

Նույն ակումբի մեկից ավել թիմերում հայտավորվելու համար յուրաքանչյուր անձ ՀՖՖ Ֆուտբոլի կառավարման համակարգում (FMS) պետք է ունենա առանձին պայմանագիր, գրանցում և հայտավորում:

ՀՊԼ-ում ներկայացված ակումբի մանկապատանեկան թիմերում հայտավորված մարզիչները չեն կարող ներառվել ՀՊԼ խաղերի արձանագրություններում:

23.10. Մասնակից ակումբները պետք է հայտավորման գործընթացի ժամանակ ներկայացնեն բժիշկ, ով ունի բարձրագույն բժշկական կրթություն, Սպորտային բժշկություն (Սպորտային բժիշկ) մասնագիտացում և որակավորում (սույն հաստվածը անհրաժեշտ է իրականացնել կանոնակարգի հաստատումից հետո 6 ամսյա ժամկետում) կամ առողջապահության բնագավառի մասնագիտական գործունեության բժշկական

հիմնական ներքոնշյալ մասնագիտություններից մեկի և սպորտային բժշկություն (սպորտային բժիշկ) նեղ մասնագիտացման միաժամանակյա առկայություն, ինչպես նաև ավագ բուժաշխատողի համար նախատեսված ՇՄԶ հավաստագիր:

Պահանջվող առողջապահության բնագավառի մասնագիտական գործունեության բժշկական հիմնական մասնագիտությունները հետևյալն են՝

- ✓ Ընտանեկան բժշկություն (ընտանեկան բժիշկ),
- ✓ Ներքին հիվանդություններ (թերապևտ),
- ✓ Մանկաբուժություն (Մանկաբույժ)
- ✓ Մանկական ֆիզիկական և վերականգնողական բժշկություն (Մանկական վերականգնողաբան)
- ✓ Մանկական վնասվածքաբանություն և օրթոպեդիա այդ թվում ուռուցքաբանություն (մանկական վնասվածքաբան օրթոպեդ)
- ✓ Անհետաձգելի բժշկություն (անհետաձգելի օգնության բժիշկ) հիմնական մասնագիտություն:

Բուժքույր հայտավորելու դեպքում պետք է ունենա բուժքրոջ միջին մասնագիտական կրթություն, քույրական գործը կամ միջին բուժաշխատողի գործը սպորտային բժշկությունում նվազագույնը եռամսյա վերապատրաստման կամ վերամասնագիտացման առկայություն (սույն հատվածը անհրաժեշտ է իրականացնել կանոնակարգի հաստատումից հետո 6 ամսյա ժամկետում), ՇՄԶ հավաստագիր: Միջին բուժաշխատողը կարող է սպասարկել մանկապատանեկան խաղ, եթե համապատասխանում է վերոնշյալ միջին բուժաշխատողին ներկայացված պահանջներին և ակումբը կամ մանկապատանեկան մարզադպրոցն ունի 23.13 կետի պահանջներին համապատասխան բժիշկ, ով առնվազն 15 թույլի ընթացքում կանչի դեպքում կարող է մոտենալ և աջակցել միջին բուժաշխատողին:

Մերսող/կինեզիստ/ֆիզիոթերապիստ հայտավորելու դեպքում՝ պետք է ունենան կինեզիոլոգ կամ ֆիզիոթերապիստ մասնագիտությամբ բարձրագույն կրթություն կամ մերսողի միջին մասնագիտական կրթություն և քույրական գործը կամ միջին բուժաշխատողի գործը սպորտային բժշկությունում նվազագույնը եռամսյա վերամասնագիտացման առկայություն (սույն հատվածը անհրաժեշտ է իրականացնել կանոնակարգի հաստատումից հետո՝ վեց ամսվա ընթացքում), միայն միջին բուժաշխատողի դեպքում՝ ՇՄԶ հավաստագիր:

Այն ակումբները, որոնք չեն կարող ապահովել սույն կետում սահմանված պահանջները, պարտավոր են խաղաշրջանի մեկնարկից առնվազն 15 օր առաջ կապ հաստատել ՀՀ Բժշկական դեպարտամենտի հետ՝ գրավոր տեղեկացնելով narek.vanesyan@ffa.am էլեկտրոնային փոստի հասցեով՝ ապահովելու համար թիմի համապատասխան անձնակազմի արտոնագրման գործընթացի իրականացումը կամ քննարկել խնդրի վերաբերյալ հնարավոր լուծումներ:

Խաղերի ընթացքում ֆորս-մաժորային իրավիճակներում անհրաժեշտ է համապատասխան գրությամբ դիմել ՀՀՖ:

2026/2027 մրցաշրջանից սկսած մանկապատանեկան ֆուտբոլի մրցումների բոլոր տարիքային խմբերի առաջնությունների համար գործելու են ՀՀՖ Պրոֆեսիոնալ ֆուտբոլի մրցումների անցկացման 2025-2026 մրցաշրջանի կանոնակարգով բժիշկական անձնակազմի համար սահմանված դրույթները:

23.11. Հայտավորվել կամ վերահայտավորվել կարող են այն ֆուտբոլիստները, որոնք գրանցված են թիմը ներկայացնող ակումբում:

23.12. Ֆուտբոլիստների գրանցումը կատարվում է ՀՀՖ Ֆուտբոլիստների կարգավիճակի և տեղափոխության կանոնակարգի համաձայն:

23.13. Ֆուտբոլիստների հայտավորման (վերահայտավորման) գործընթացը կատարվում է ֆուտբոլի կառավարման համակարգի (FMS) միջոցով:

23.14. Համաձայն ՀՀՖ Ֆուտբոլիստների կարգավիճակի և տեղափոխության կանոնակարգի (2025թ. խմբագրություն) 18-րդ հոդվածի 4-րդ կետի՝ աշխատանքային պայմանագիր ինքնուրույն կարող է ստորագրել միայն 16 տարին լրացած ֆուտբոլիստը: 14-ից 16 տարեկան ֆուտբոլիստի հետ պայմանագիր կարող է կնքվել վերջինիս ծնողներից մեկի, որդեգրողի կամ հոգաբարձուի գրավոր համաձայնությամբ: 14 տարին չլրացած ֆուտբոլիստի հետ աշխատանքային պայմանագիր կնքելն արգելվում է:

14 տարին լրացած ֆուտբոլիստը մինչև 16 տարեկան դառնալը, անգամ ակումբի հետ պրոֆեսիոնալ պայմանագրի առկայության պարագայում, կարող է հայտավորվել միայն մանկապատանեկան առաջնություններին, վերոնշյալ դեպքում ֆուտբոլիստի 16 տարին լրանալուն պես նա կարող է հայտավորվել կամ վերահայտավորվել միայն պրոֆեսիոնալ առաջնության մասնակից թիմում:

Ակումբը կարող է ունենալ մրցաշրջանի ընթացքում առավելագույնը երկու ֆուտբոլիստ համապատասխան վերոնշյալ բացառության:

23.15. Հայտավորման ժամկետը սահմանվում է տվյալ առաջնության պաշտոնական առաջին խաղից 15 օր առաջ և ավարտվում է 1 օր առաջ:

23.16. Հայտավորման և վերահայտավորման համար ակումբները ՀՖՖ Մրցումների բաժնի կողմից նախապես հաստատված գրաֆիկով սահմանված ժամկետներում Ֆուտբոլի կառավարման համակարգում և ՀՖՖ կողմից գործարկվող՝ ֆուտբոլիստների բժշկական պատմության հավաքագրման և վերահսկման այլ՝ պաշտոնական համակարգում վերբեռնում են հայտավորվող/վերահայտավորվող յուրաքանչյուր ֆուտբոլիստի համար բուժհաստատության կողմից հաստատված տեղեկանք՝ ֆուտբոլիստի առողջական վիճակի մասին:

23.17. Ֆուտբոլիստների բժշկական ստուգումն ապահովում են ակումբները՝ բուժհաստատության կողմից տրված համապատասխան ստուգման թերթիկի հիման վրա, որը պետք է լրացվի և հատկացվի ՀՀ Առողջապահության նախարարության կողմից հաստատված կամ ՀՖՖ Բժշկական կանոնակարգում նախատեսված կարգով և կնքվի բժշկական հաստատության կնիքով և հավաստվի բժշկական հաստատության գործադիր տնօրենի, իսկ նրա բացակայության դեպքում՝ գործադիր տնօրենի բուժական կամ արտահիվանդանոցային գծով տեղակալի ստորագրությամբ:

23.18. Հայտավորման ժամկետի լրանալուց հետո թիմերում վերահայտավորումը կատարվում է սահմանված ժամկետներում:

Վերահայտավորման ժամանակահատված է սահմանվում տվյալ առաջնության առաջին խաղից հետո մինչև 2025թ. նոյեմբերի 10-ը (Երևանի ժամանակով՝ 23:59) և 20.02.2026-20.04.2026 (Երևանի ժամանակով՝ 23:59):

23.19. Վերահայտավորումը Մ-15, Մ-14, Մ-13, Մ-12, Մ-11, Մ-10, Մ-9 և Մ-8 տարիքային խմբերի առաջնությունների համար անվճար է, իսկ Մ-18, Մ-17 և Մ-16 տարիքային խմբերի առաջնություններում վճարում է 2000 դրամ:

23.20. Նույն ակումբի կազմում թույլատրվում է ֆուտբոլիստին մեկ թիմից մյուս թիմում վերահայտավորել միայն մեկ անգամ, որը կատարվում է անվճար:

23.21. Ակումբի (թիմի) անձնակազմի անդամների վերահայտավորումը ժամկետային սահմանափակում չունի և անվճար է:

23.22. Առաջնության ընթացքում ֆուտբոլիստի կամ թիմի անձնակազմի անդամի հայտից հանելու գործընթացը կատարվում է ՀՖՖ ֆուտբոլի կառավարման համակարգի միջոցով:

23.23. Այն ակումբները, որոնք առաջնություններում ունենան երկու և ավելի թիմեր, պետք է հայտավորեն նվազագույնը 3 մարզիչ, իսկ մեկ թիմի դեպքում՝ 2 մարզիչ:

ԳԼՈՒԽ 8: ՖՈՒՏԲՈԼԻՍՏՆԵՐԻ ԵՎ ԹԻՄԻ ԱՆՁՆԱԿԱԶՄԻ ՄԱՍՆԱԿՑՈՒԹՅՈՒՆԸ ԵՎ ՓՈԽԱՐԻՆՈՒՄԸ

Հոդված 24. Ֆուտբոլիստների և թիմի անձնակազմի մասնակցությունը

24.01. Ֆուտբոլիստները մրցումներին մասնակցում են ֆուտբոլիստի ՀՖՖ նույնականացման քարտով, իսկ բացառիկ դեպքերում՝ ՀՖՖ Մրցումների բաժնի կողմից տրամադրված ՀՖՖ նույնականացման քարտերի էլեկտրոնային տարբերակով: ՀՖՖ-ի կողմից սահմանված բացառիկ դեպքում ֆուտբոլիստները խաղին կարող են մասնակցել քաղաքացիական անձնագրով: Մ-8-ից մինչև Մ-12 տարիքային խմբերի առաջնություններում ֆուտբոլիստները մրցումներին մասնակցում են ՀՖՖ նույնականացման քարտի էլեկտրոնային տարբերակով, որը կարող են օգտագործել ինչպես առցանց, անպես էլ թղթային տարբերակով:

24.02. Թիմերի անձնակազմերը խաղին մասնակցում են միայն ՀՖՖ նույնականացման քարտի առկայության դեպքում: ՀՖՖ-ի կողմից սահմանված բացառիկ դեպքում անձնակազմի անդամները խաղին կարող են մասնակցել ՀՖՖ-ի Մրցումների բաժնի կողմից տրամադրված ՀՖՖ նույնականացման քարտի էլեկտրոնային տարբերակով: Մ-8-ից մինչև Մ-12 տարիքային խմբերի առաջնություններում անձնակազմի անդամները մրցումներին կարող են մասնակցել ՀՖՖ նույնականացման քարտի էլեկտրոնային տարբերակով, որը կարող են օգտագործել ինչպես առցանց, անպես էլ թղթային տարբերակով:

24.03. Եթե խաղին ներկա չէ յուրաքանչյուր թիմից առնվազն մեկ մարզիչ, ապա խաղը չի կայանում: Եթե խաղի ժամանակահատվածում թիմը մնացել է առանց գլխավոր մարզիչ (հեռացվել է խաղադաշտից), ապա նրա պարտականությունները պետք է կատարի խաղի արձանագրության մեջ նշված գլխավոր մարզչի օգնականը կամ խաղի արձանագրության մեջ նշված մեկ այլ մարզիչ՝ 23.06 ք), 23.07 ք), 23.08 ք) կետերի պահանջներին համապատասխան, և խաղը շարունակվում է: Եթե խաղի ընթացքում թիմը մնացել է առանց գլխավոր մարզչի, գլխավոր մարզչի օգնականի կամ խաղի արձանագրության մեջ նշված մեկ այլ մարզիչի, ապա խաղը չի անցկացվում և համարվում է չկայացած՝ տվյալ ակումբի մեղքով, որի համար մրցավարը համապատասխան գրառում է կատարում խաղի արձանագրությունում:

Արգելվում է սույն կանոնակարգով սահմանված կարգով որպես ակումբի մանկապատանեկան թիմի գլխավոր մարզիչ չգրանցված անձի, ներառյալ ակումբի մեկ այլ պաշտոնում գրանցված անձի կողմից, մանկապատանեկան թիմի գլխավոր մարզչի

պարտականությունների փաստացի կատարումը մեկ մրցաշրջանի ընթացքում երեքից ավելի անգամ, ինչպես նաև ակումբի կողմից տվյալ անձի պարբերաբար ներկայացումը որպես ակումբի մանկապատանեկան թիմի գլխավոր մարզիչ (ներառյալ համացանցում, տպագիր մամուլում, փաստաթղթերում և այլ եղանակներով):

Սույն կետը չի տարածվում այն դեպքերի վրա, երբ սույն կանոնակարգով սահմանված կարգով որպես ակումբի մանկապատանեկան թիմի գլխավոր մարզիչ գրանցված անձը խաղին բացակայում է որակագրկման կամ այլ օբյեկտիվ պատճառներով, և նրա փոխարեն սահմանված կարգով մանկապատանեկան թիմի գլխավոր մարզչի համապատասխան գործառույթներն իրականացնում է մանկապատանեկան թիմի գլխավոր մարզչի օգնականը/մանկապատանեկան մարզիչը:

24.04. Եթե մրցող թիմերից առնվազն մեկի տեխնիկական գոտում ներկա չէ բժիշկ՝ 23.13 կետերի պահանջներին համապատասխան, և դաշտի տեր թիմը չի ապահովել սույն կանոնակարգի 21.03 կետի պահանջը, ապա խաղը չի անցկացվում:

24.05. Մ-18 տարիքային խմբի առաջնություններին իրավունք ունեն հայտավորվելու 2008-2009թթ. ծնված ֆուտբոլիստները:

24.06. Մ-18 տարիքային խմբի առաջնություններին իրավունք ունեն մասնակցելու նաև միննույն ակումբի Մ-17, Մ-16 առաջնություններում հայտավորված 2009թ. ծնված մինչև 6 ֆուտբոլիստ և 2010թ. ծնված մինչև 2 ֆուտբոլիստ:

24.07. Մ-17 տարիքային խմբի առաջնություններին իրավունք ունեն հայտավորվելու 2009-2010թթ. ծնված ֆուտբոլիստները:

24.08. Մ-17 տարիքային խմբի առաջնություններին իրավունք ունեն մասնակցելու նաև միննույն ակումբի Մ-16, Մ-15 առաջնություններում հայտավորված 2010թ. ծնված մինչև 4 ֆուտբոլիստ և 2011թ. ծնված մինչև 2 ֆուտբոլիստ:

24.09. Մ-17 տարիքային առաջնությունների հանդիպումների ժամանակ միննույն ակումբի՝ B խմբում հայտավորված մինչև 6 ֆուտբոլիստ կարող են մասնակցել A խմբում հանդես եկող իրենց մյուս թիմի հանդիպումներին, իսկ B խմբում մասնակցող իրենց մյուս թիմի հանդիպումներին մասնակցելու իրավունք չունեն:

Մ-17 տարիքային առաջնությունների հանդիպումների ժամանակ միննույն ակումբի՝ A խմբում հայտավորված մինչև 2 ֆուտբոլիստ կարող են մասնակցել B խմբերում մասնակցող իրենց մյուս թիմի (թիմերի) հանդիպումներին:

24.10. Մ-16 տարիքային խմբի առաջնություններին իրավունք ունեն հայտավորվելու 2010-2011թթ. ծնված ֆուտբոլիստները:

24.11. Մ-16 տարիքային խմբի առաջնություններին իրավունք ունեն մասնակցելու նաև միևնույն ակումբի Մ-15, Մ-14 առաջնություններում հայտավորված 2011թ. ծնված մինչև 4 ֆուտբոլիստ և 2012թ. ծնված մինչև 2 ֆուտբոլիստ:

24.12. Մ-16 տարիքային առաջնությունների հանդիպումների ժամանակ միևնույն ակումբի՝ B խմբում հայտավորված մինչև 6 ֆուտբոլիստ կարող են մասնակցել A խմբում հանդես եկող իրենց մյուս թիմի հանդիպումներին, իսկ B խմբում մասնակցող իրենց մյուս թիմի հանդիպումներին մասնակցելու իրավունք չունեն:

Մ-16 տարիքային առաջնությունների հանդիպումների ժամանակ միևնույն ակումբի՝ A խմբում հայտավորված մինչև 2 ֆուտբոլիստ կարող են մասնակցել B խմբերում մասնակցող իրենց մյուս թիմի (թիմերի) հանդիպումներին:

24.13. Մ-15 տարիքային խմբի առաջնություններին իրավունք ունեն հայտավորվելու 2011-2012թթ. ծնված ֆուտբոլիստները :

24.14. Մ-15 տարիքային խմբի առաջնություններին իրավունք ունեն մասնակցելու նաև միևնույն ակումբի Մ-14, Մ-13 առաջնություններում հայտավորված 2012թ. ծնված մինչև 4 ֆուտբոլիստ և 2013թ. ծնված մինչև 2 ֆուտբոլիստ:

24.15. Մ-15 տարիքային առաջնությունների հանդիպումների ժամանակ միևնույն ակումբի՝ B խմբում հայտավորված մինչև 6 ֆուտբոլիստ կարող են մասնակցել A խմբում հանդես եկող իրենց մյուս թիմի հանդիպումներին, և մինչև 2 ֆուտբոլիստ՝ C խմբերում մասնակցող իրենց մյուս թիմի (թիմերի) հանդիպումներին, իսկ B խմբում մասնակցող իրենց մյուս թիմի հանդիպումներին մասնակցելու իրավունք չունեն:

Մ-15 տարիքային առաջնությունների հանդիպումների ժամանակ միևնույն ակումբի՝ A խմբում հայտավորված մինչև 2 ֆուտբոլիստ կարող են մասնակցել B խմբերում մասնակցող իրենց մյուս թիմի (թիմերի) հանդիպումներին, իսկ C խմբերում մասնակցող իրենց մյուս թիմի (թիմերի) հանդիպումներին մասնակցելու իրավունք չունեն:

Մ-15 տարիքային առաջնությունների հանդիպումների ժամանակ միևնույն ակումբի՝ C խմբում հայտավորված մինչև 6 ֆուտբոլիստ կարող են մասնակցել A և B խմբերում մասնակցող իրենց մյուս թիմերի հանդիպումներին, իսկ C խմբերում մասնակցող իրենց մյուս թիմի (թիմերի) հանդիպումներին մասնակցելու իրավունք չունեն:

24.16. Մ-14 տարիքային խմբի առաջնություններին իրավունք ունեն թիմում հայտավորվելու 2012թ. ծնված ֆուտբոլիստները և 2013թ. ծնված մինչև 8 ֆուտբոլիստ:

24.17. Մ-14 տարիքային խմբի առաջնություններին իրավունք ունեն մասնակցելու նաև միևնույն ակումբի Մ-13Մ մանկապատանեկան առաջնություններում հայտավորված 2013թ. ծնված մինչև 4 ֆուտբոլիստ:

24.18. Մ-14 տարիքային առաջնությունների հանդիպումների ժամանակ միևնույն ակումբի՝ B խմբում հայտավորված մինչև 6 ֆուտբոլիստ կարող են մասնակցել A խմբում հանդես եկող իրենց մյուս թիմի հանդիպումներին, և մինչև 2 ֆուտբոլիստ՝ C խմբերում մասնակցող իրենց մյուս թիմի (թիմերի) հանդիպումներին, իսկ B խմբում մասնակցող իրենց մյուս թիմի հանդիպումներին մասնակցելու իրավունք չունեն:

Մ-14 տարիքային առաջնությունների հանդիպումների ժամանակ միևնույն ակումբի՝ A խմբում հայտավորված մինչև 2 ֆուտբոլիստ կարող են մասնակցել B խմբերում մասնակցող իրենց մյուս թիմի (թիմերի) հանդիպումներին, իսկ C խմբերում մասնակցող իրենց մյուս թիմի (թիմերի) հանդիպումներին մասնակցելու իրավունք չունեն:

Մ-14 տարիքային առաջնությունների հանդիպումների ժամանակ միևնույն ակումբի՝ C խմբում հայտավորված մինչև 6 ֆուտբոլիստ կարող են մասնակցել A և B խմբերում մասնակցող իրենց մյուս թիմերի հանդիպումներին, իսկ C խմբերում մասնակցող իրենց մյուս թիմի (թիմերի) հանդիպումներին մասնակցելու իրավունք չունեն:

24.19. Մ-13 տարիքային խմբի առաջնություններին իրավունք ունեն թիմում հայտավորվելու 2013թ. ծնված ֆուտբոլիստները և 2014թ. ծնված մինչև 8 ֆուտբոլիստ:

24.20. Մ-13 տարիքային խմբի առաջնություններին իրավունք ունեն մասնակցելու նաև միևնույն ակումբի Մ-12Մ առաջնությունում հայտավորված 2014թ. ծնված մինչև 4 ֆուտբոլիստ:

24.21. Մ-13Մ1, Մ-13Մ2, Մ-13Մ3, Մ-13Մ4 մանկապատանեկան առաջնությունների հանդիպումների ժամանակ միևնույն ակումբի թիմերում հայտավորված ֆուտբոլիստները իրենց մյուս թիմի (թիմերի) հանդիպումներին մասնակցելու իրավունք չունեն:

24.22. Մ-12 տարիքային խմբի առաջնություններին իրավունք ունեն թիմում հայտավորվելու 2014թ. ծնված ֆուտբոլիստները և 2015թ. ծնված մինչև 6 ֆուտբոլիստ:

24.23. Մ-12 տարիքային խմբի առաջնություններին իրավունք ունեն մասնակցելու նաև միննույն ակումբի Մ-11Մ առաջնությունում հայտավորված 2015թ. ծնված մինչև 4 ֆուտբոլիստ:

24.24. Մ-12 տարիքային խմբի առաջնությունների հանդիպումների ժամանակ միննույն ակումբի թիմերում հայտավորված ֆուտբոլիստները իրենց մյուս թիմի (թիմերի) հանդիպումներին մասնակցելու իրավունք չունեն:

24.25. Մ-11 տարիքային խմբի առաջնություններին իրավունք ունեն թիմում հայտավորվելու 2015թ. ծնված ֆուտբոլիստները և 2016թ. ծնված մինչև 6 ֆուտբոլիստ:

24.26. Մ-11 տարիքային խմբի առաջնություններին իրավունք ունեն մասնակցելու նաև միննույն ակումբի Մ-10Մ առաջնությունում հայտավորված 2016թ. ծնված մինչև 4 ֆուտբոլիստ:

24.27. Մ-11 տարիքային խմբի առաջնությունների հանդիպումների ժամանակ միննույն ակումբի թիմերում հայտավորված ֆուտբոլիստները իրենց մյուս թիմի (թիմերի) հանդիպումներին մասնակցելու իրավունք չունեն:

24.28. Մ-10 տարեկանների մանկապատանեկան առաջնություններին իրավունք ունեն թիմում հայտավորվելու 2016թ. ծնված ֆուտբոլիստները և 2017թ. ծնված մինչև 6 ֆուտբոլիստ:

24.29. Մ-10 տարիքային խմբի առաջնությունների հանդիպումներին իրավունք ունեն մասնակցելու թիմում հայտավորված ֆուտբոլիստները:

24.30. Մ-9 տարիքային խմբի առաջնություններին իրավունք ունեն թիմում հայտավորվելու 2017թ. ծնված ֆուտբոլիստները և 2018թ. ծնված մինչև 6 ֆուտբոլիստ:

24.31. Մ-9 տարեկանների մանկապատանեկան առաջնությունների հանդիպումներին իրավունք ունեն մասնակցելու թիմում հայտավորված ֆուտբոլիստները:

24.32. Մ-8 տարիքային խմբի առաջնություններին իրավունք ունեն թիմում հայտավորվելու 2018թ. ծնված ֆուտբոլիստները և 2019թ. ծնված մինչև 6 ֆուտբոլիստ:

24.33. Մ-8 տարիքային խմբի առաջնությունների հանդիպումներին իրավունք ունեն մասնակցելու թիմում հայտավորված ֆուտբոլիստները:

Հոդված 25. Խաղի արձանագրություն

25.01. Յուրաքանչյուր խաղ պետք է ունենա արձանագրություն:

25.02. Արձանագրության առաջին մասը կազմվում է խաղին մասնակցող ակումբների կողմից Ֆուտբոլի կառավարման համակարգի միջոցով: Յուրաքանչյուր ակումբ համակարգ է մուտքագրում խաղին մասնակցող հիմնական և փոխարինող ֆուտբոլիստներին և նրանց մարզաշապիկի համարները, ինչպես նաև թիմի անձնակազմի անդամների տվյալները:

25.03. Խաղի ընթացքում տեխնիկական գոտում գտնվելու և պահեստայինների նստարանին նստելու իրավունք ունեն միայն խաղի արձանագրությունում նշված անձինք:

25.04. Արձանագրության մեջ կարող են նշվել միայն այն ֆուտբոլիստները և թիմի անձնակազմի անդամները, ովքեր հայտավորված են տվյալ թիմում և որակագրված չեն տվյալ խաղին մասնակցելու համար: Չհայտավորված և որակագրված ֆուտբոլիստների խաղին մասնակցության պատասխանատվությունը կրում է տվյալ ակումբը:

25.05. Ակումբների և մրցավարի կողմից կազմված արձանագրությունները միացվում են և համարվում են խաղի մեկ միասնական արձանագրություն:

25.06. Խաղին կարող են մասնակցել միայն խաղի արձանագրությունում նշված ֆուտբոլիստներն ու թիմերի անձնակազմի անդամները:

25.07. Մ-18, Մ-17, Մ-16, Մ-15, Մ-14 և Մ-13 տարիքային խմբերի առաջնությունների հանդիպումների արձանագրությունների մեջ լրացվում է նվազագույնը 15 ֆուտբոլիստ, առավելագույնը՝ 22 ֆուտբոլիստ՝ 11 հիմնական և 4-11 պահեստային:

25.08. Մ-12 և Մ-11 տարիքային խմբերի առաջնությունների խաղերի արձանագրության մեջ լրացվում է նվազագույնը 14 ֆուտբոլիստ, առավելագույնը՝ 20 ֆուտբոլիստ՝ 8 հիմնական և 6-12 պահեստային:

25.09. Մ-10, Մ-9 և Մ-8 տարիքային խմբերի առաջնությունների խաղերի արձանագրության մեջ լրացվում է նվազագույնը 10 ֆուտբոլիստ, առավելագույնը՝ 20 ֆուտբոլիստ՝ 6 հիմնական և 4-14 պահեստային:

25.10. Խաղի արձանագրությունում լրացվում է մինչև 5 թիմի անձնակազմի անդամ:

25.11. Խաղի արձանագրությունում 25.07, 25.08 և 25.09 կետերի համաձայն՝ ֆուտբոլիստների նվազագույն քանակը չապահովելու դեպքում ՀՀ Մարզապահական և էթիկայի կոմիտեն կայացնում է որոշում սույն հոդվածի խախտման վերաբերյալ:

25.12. Ակումբների ներկայացուցիչները պատասխանատու են արձանագրությունում ընդգրկված ֆուտբոլիստների մասնակցության փաստաթղթերի իսկության համար:

25.13. Խաղի ժամանակահատվածում խաղին մասնակցած (արձանագրությունում նշված) ֆուտբոլիստների ինքնության վերաբերյալ մրցակից թիմի մոտ խախտում նկատելու դեպքում մրցակից թիմի անձնակազմի անդամը պետք է խաղից հետո առնվազն 30 րոպեի ընթացքում ենթադրյալ խախտման վերաբերյալ հայտնի խաղի մրցվարին, ով պետք է նշում կատարի խաղի արձանագրության համապատասխան բաժնում: Ենթադրյալ իրավախախտման վերաբերյալ հայտնած թիմը պարտավոր է խաղի ավարտից հետո առնվազն 24 ժամվա ընթացքում ներկայացնել իր կողմից վկայակոչված խախտումը հավաստող համապատասխան ապացույցները: Խաղի ավարտից հետո 24 ժամվա ընթացքում ենթադրյալ խախտումը հիմնավորող ապացույցներ չներկայացնելու դեպքում վիճարկման վերաբերյալ կատարված նշումը ենթակա չէ քննության: Յուրաքանչյուր դեպքում մրցակից թիմը կարող է նշված ենթադրյալ խախտման վերաբերյալ դիմում բողոք ներկայացնել՝ նշելով սահմանված ժամկետում չներկայացնելը հարգելի համարող հանգամանքները: Տվյալ դեպքում բողոքը քննող մարմինը քննության է առնում բողոքը, եթե առկա է բաց թողնված ժամկետը հարգելի համարելու վերաբերյալ միջնորդություն և այն բավարարվում է վերջինիս կողմից:

25.14. Գրության մեջ պետք է նշվի ինքնության վերաբերյալ կասկած հարուցած ֆուտբոլիստի վերնաշապիկի համարը, նրա անունը, ազգանունը՝ ըստ խաղի արձանագրության, կասկածի բնույթի մասին շարադրանքը, դիմում ներկայացնողի անունը, ազգանունը, պաշտոնը, ինչպես նաև ստորագրությունը և դիմումի ներկայացման ժամը:

Ֆուտբոլիստների ինքնության ստուգման վերաբերյալ դիմում ստանալու դեպքում խաղը սպասարկող անձնակազմը պարտավոր է կազմակերպել և իրականացնել ստուգման հետևյալ գործառնությունները՝

✓ արձանագրությունում նշված ֆուտբոլիստը (ֆուտբոլիստները) իր մարզչի հետ հրավիրվում է մրցավարական սենյակ, որտեղ խաղը սպասարկած մրցավարական խմբի անդամների և դիմում ներկայացրած անձի ներկայությամբ կատարվում է տվյալ

ֆուտբոլիստի (ֆուտբոլիստների) ինքնության ստուգում ՀՖՖ նույնականացման քարտի միջոցով,

✓ ստուգման արդյունքները ձևակերպվում է արձանագրությունում, որի տակ ստորագրում են տեսուչը և/կամ մրցավարական անձնակազմը, երկու թիմերի մարզիչները: Կազմված արձանագրության վերաբերյալ առարկություններ ունենալու դեպքում նշված անձինք կարող են դրանք գրավոր կերպով ներառել արձանագրությունում, Ֆուտբոլի Կառավարման Համակարգում կամ էլեկտրոնային փոստի միջոցով:

Այն դիմումները, որոնք չեն համապատասխանի վերը նշված դրույթներին, քննության առարկա չեն դառնա:

Հոդված 26. Ֆուտբոլիստների փոխարինումները

26.01. Մ-18 և Մ-17 տարիքային խմբերի առաջնությունների հանդիպումներում արձանագրության մեջ լրացված պահեստային ֆուտբոլիստները կարող են փոխարինվել՝ ըստ մարզչի հայեցողության: Յուրաքանչյուր թիմ խաղի 2-րդ խաղակեսում ունի միայն 3 հնարավորություն (դադար)՝ փոխարինում կատարելու համար: Ընդմիջման ժամանակ կատարված փոխարինումները չեն հանդիսանում վերոնշյալ իմաստով դադարների ժամանակ կատարված փոխարինումներ: Դադարների վերահսկումն իրականացվում է խաղը սպասարկող 4-րդ պաշտոնյայի կողմից:

Սույն կետի պահպանման համար պատասխանատու են ակումբները:

26.02. Մ-16 և Մ-15 տարիքային խմբերի առաջնությունների հանդիպումներում արձանագրության մեջ լրացված ֆուտբոլիստներից չորսը ենթակա են պարտադիր փոխարինման: Մնացած պահեստային ֆուտբոլիստները կարող են փոխարինվել՝ ըստ մարզչի հայեցողության: Հիմնական կազմի և պարտադիր փոխարինման ենթակա ֆուտբոլիստները պետք է ստանան նվազագույնը 30 րոպե խաղային ժամանակահատված:

26.03. Մ-14 և Մ-13 տարիքային խմբերի առաջնությունների հանդիպումներում արձանագրության մեջ լրացված ֆուտբոլիստներից չորսը, այդ թվում՝ դարպասապահը, ենթակա են պարտադիր փոխարինման: Մնացած պահեստային ֆուտբոլիստները կարող են փոխարինվել՝ ըստ մարզչի հայեցողության: Հիմնական կազմի և պարտադիր

փոխարինման ենթակա ֆուտբոլիստները պետք է ստանան նվազագույնը 25 րոպե խաղային ժամանակահատված:

26.04. Մ-12 և Մ-11 տարիքային խմբերի առաջնությունների խաղերին արձանագրության մեջ նշված յուրաքանչյուր ֆուտբոլիստ՝ այդ թվում՝ դարպասապահը, պետք է ստանա նվազագույնը 20 րոպե խաղային ժամանակահատված: Երկրորդ դարպասապահ չլինելու դեպքում թիմի հիմնական դարպասապահը պարտադիր պետք է փոխարինվի այլ դիրքի խաղացողով: Ֆուտբոլիստների փոխարինումը և հետադարձ փոխարինումը կատարվում է փոքր և մեծ ընդմիջումների ժամանակ՝ բացառությամբ արտակարգ իրավիճակների:

26.05. Մ-10, Մ-9 և Մ-8 տարիքային խմբերի առաջնությունների հանդիպումներին հայտավորված յուրաքանչյուր ֆուտբոլիստ, այդ թվում՝ դարպասապահը, պետք է ստանա նվազագույնը 20 րոպե խաղային ժամանակահատված: Երկրորդ դարպասապահ չլինելու դեպքում թիմի հիմնական դարպասապահը պարտադիր պետք է փոխարինվի այլ դիրքի խաղացողով: Ֆուտբոլիստների փոխարինումը և հետադարձ փոխարինումը կատարվում է փոքր և մեծ ընդմիջումների ժամանակ՝ բացառությամբ արտակարգ իրավիճակների:

26.06. Գավաթի խաղարկության հանդիպումների ժամանակ փոխարինումները կատարվում են տվյալ տարիքային առաջնությունների ձևաչափով:

26.07. Խաղի ընթացքում միաժամանակ նախավարժանք կարող են անցկացնել մինչև 6 պահեստային ֆուտբոլիստներ, որի մասին վերջնական որոշումը նախախաղային խորհրդակցության ընթացքում կայացնում է տվյալ խաղի մրցավարը՝ հաշվի առնելով մարզադաշտի փոխարինողների նախավարժանքի համար նախատեսված հնարավորությունները: Նշված գոտում նախավարժանքի ժամանակ կարող են գտնվել նաև արձանագրության մեջ նշված մարզիչը: Նախավարժանքին մասնակցող մարզիչը պետք է կրի ֆուտբոլիստների հետ միանման գույնի ժիլետ, որի գույնը նախապես պետք է հաստատվի նախախաղային խորհրդակցության ընթացքում:

ԳԼՈՒԽ 9: ՄԱՐԶԱՀԱԳՈՒՍՏԸ

Հոդված 27. Մարզահագուստի գույները

27.01. Խաղերի ընթացքում հայտավորված բոլոր ֆուտբոլիստների խաղային մարզահագուստները պետք է լինեն միանման: Ակումբները պետք է ունենան 2 տարբեր գույների խաղային մարզահագուստ՝ ներառյալ դարպասապահների մարզահագուստները:

27.02. Բոլոր տարիքային խմբերի առաջնություններում մրցող թիմերը յուրաքանչյուր խաղին պետք է ապահովեն տնային և արտագնա մարզահագուստների առկայությունը:

27.03. Բոլոր տարիքային խմբերի առաջնություններում մրցող թիմերը նախախաղային խորհրդակցությանը մրցավարի պահանջի դեպքում պարտավոր են ներկայացնել ակումբի 2 տարբեր գույների խաղային մարզահագուստները (մարզաշապիկ, կիսավարտիք, կիսագուլպա):

27.04. Թիմերը խաղից 1 օր առաջ նախապես կարող են համաձայնեցնել խաղային մարզահագուստները:

27.05. Մանկապատանեկան առաջնությունների բոլոր խաղերի ժամանակ մարզահագուստի գույների համընկման պարագայում մարզահագուստը փոխում է դաշտի տեր թիմը: Դաշտի տեր թիմի մարզահագուստի փոփոխությունից հետո գույների համընկման պարագայում մարզահագուստը փոխում է հյուր թիմը: Յուրաքանչյուր պարագայում թիմերի մարզահագուստներ գույները չպետք է համընկնեն իրար: Եթե մարզահագուստների գույները համընկնում են, և թիմերը չեն կարողանում ընդհանուր հայտարարի գալ գույների ընտրության հարցում, ապա վերջնական որոշումը կայացնում է խաղի մրցավարը:

Հոդված 28. Խաղահամարները

28.01. Թիմերի մարզահագուստի մեջքի հատվածի կենտրոնական մասում պարտադիր պետք է փակցված լինեն ֆուտբոլիստների խաղահամարները: Խաղահամարները թույլատրվում է նաև փակցնել մարզահագուստի դիմացի մասում:

28.02. Ֆուտբոլիստների խաղահամարները պետք է լինեն 1-ից մինչև 99-ի միջակայքում: Կարող են օգտագործվել միայն ամբողջական թվեր: 1-ին համարը պետք է գրանցված լինի թիմի դարպասապահի անվամբ:

28.03. Մանկապատանեկան բոլոր տարիքային առաջնություններում խաղաշապիկների վրա գրված ազգանունների (կեղծանունների) առկայությունը պարտադիր չէ, իսկ լինելու դեպքում այն պետք է գրված լինի թիմի բոլոր ֆուտբոլիստների խաղաշապիկների վրա:

28.04. Ֆուտբոլիստների խաղաշապիկների վրա գրված ազգանունները (կեղծանունները) առկայության դեպքում պետք է գրված լինեն այն գույնով, որով նշված են վերջիններիս խաղաշապիկների խաղահամարները, հստակ ընթերցելի լինեն մրցավարական անձնակազմի, մեկնաբանների, հանդիսականների և հեռուստադիտողների համար ցերեկային լույսի և մարզադաշտի լուսավորության պայմաններում:

28.05. Մանկապատանեկան բոլոր տարիքային առաջնություններում թույլատրվում է փոփոխել ֆուտբոլիստների խաղաշապիկների խաղահամարները առաջնության ցանկացած հաստվածում: Գործողությունը կատարվում է ՀՖՖ Ֆուտբոլի կառավարման համակարգի «Հայտավորում» բաժնում:

ԳԼՈՒԽ 10: ԱԿՈՒՄԲԻ ԱՆՎԱՆՄԱՆ, ԻՐԱՎԱԿԱՆ ԽՄԲԻ ԿԱՌՈՒՑՎԱԾՔԻ ՓՈՓՈԽՈՒԹՅՈՒՆԸ ԵՎ ԻՐԱՎԱՀԱՋՈՐԴՈՒԹՅԱՆ ՃԱՆԱՉՈՒՄԸ

Հոդված 29. Ակումբի ինքնության և իրավական խմբի կառուցվածքի փոփոխությունը

29.01. Մանկապատանեկան ֆուտբոլի մրցումների մասնակից ակումբի ինքնության (ակումբի անվանում, թիմի անվանում, կազմակերպաիրավական ձև, տարբերանշան, գույներ, իրավաբանական հասցե) փոփոխության գրանցումը թույլատրվում է միայն միջմրցաշրջանային հատվածում: Արգելվում է կատարել ակումբի ինքնության փոփոխություն խաղաշրջանի ընթացքում:

29.02. Եթե ակումբի ինքնության և/կամ իրավական խմբի կառուցվածքի փոփոխության գործընթացում փոփոխվում է միայն ակումբի անվանումը և տարբերանշանը և/կամ գույները, իրավաբանական հասցեն, ապա անվանափոխության և իրավահաջորդության ճանաչման գործընթացը կատարվում է սույն Գլխում սահմանված քայլերի հաջորդականությամբ և ընթացակարգով:

29.03. Եթե ակումբի ինքնության և/կամ իրավական խմբի կառուցվածքի փոփոխության գործընթացում ակումբի ինքնության փոփոխության հետ մեկտեղ կամ առանց ինքնության փոփոխության տեղի է ունենում իրավական խմբի կառուցվածքի, վերահսկող կողմի և դրա անդամների, կազմակերպաիրավական ձևի փոփոխություններ կամ ակումբի վերակազմակերպում, ապա անվանափոխության և իրավահաջորդության ճանաչման գործընթացը կատարվում է սույն կանոնակարգի Հոդված 31-ի պահանջների և ընթացակարգի համաձայն:

Հոդված 30. Ակումբի ինքնության (ակումբի անվանում, թիմի անվանում, տարբերանշան, գույներ, իրավաբանական հասցե) փոփոխությունը և դրա գրանցումը ՀՀՖ-ում

30.01. Ակումբը պետք է գրավոր դիմի ՀՀՖ-ին՝ հայտնելով ակումբի ինքնության (անվանում, տարբերանշան և/կամ գույներ, իրավաբանական հասցե) փոփոխության մտադրության, դրա հիմնավոր պատճառների, ինչպես նաև նախընտրելի նոր անվանման մասին: Սույն գործընթացը պատշաճ կատարելու համար հարկավոր է ներակայացնել դիմում, որը պետք է ներառի հետևյալ տեղեկատվությունը.

ա) Առաջարկվող նոր անվանումը, որը պետք է համապատասխանի սույն հոդվածի 30.02 կետի պահանջներին,

բ) Անվանափոխության պատճառներն ու հիմքերը,

գ) Ակումբի իրավական խմբի կառուցվածքը անվանափոխությունից առաջ և ակնկալվող փոփոխությունից հետո,

դ) Ակումբի վերահսկող կողմի, նախագահի և սեփականատերերի տվյալները անվանափոխությունից առաջ և ակնկալվող փոփոխությունից հետո,

ե) Ակումբի իրավաբանական և գործունեության հասցեները անվանափոխությունից առաջ և ակնկալվող փոփոխությունից հետո,

զ) Ակումբի գույները անվանափոխությունից առաջ և հետո,

է) Ակումբի ղեկավարի կողմից հաստատված տեղեկանք՝ դիմումի ներկայացման օրվա դրությամբ ակումբի աշխատակիցների (այդ թվում քաղ. իրավական ծառայություններով ներգրավված անձանց և ֆուտբոլիստների), այլ ակումբների և ՀՀ հարկային և սոցիալական ապահովության պետական մարմինների նկատմամբ ֆինանսական պարտավորությունների մասին:

30.02. Ակումբի առաջարկվող նոր անվանումը պետք է համապատասխանի առնվազն հետևյալ բոլոր պահանջներին՝

ա) չունենա որևէ համընկնում ՀՖՖ ֆուտբոլի կառավարման կամակարգում նախկինում և/կամ ներկայում գրանցված որևէ ակումբի կամ թիմի անվանման հետ,

բ) չունենա որևէ համընկնում ՀՖՖ-ի կողմից կազմակերպած մրցաշարերին մասնակցած որևէ ակումբի կամ թիմի անվանման հետ,

գ) ասոցացվի Հայաստանի Հանրապետության որևէ տեղանվան կամ պատմամշակութային արժեքի անվանման հետ:

30.03. Սույն հոդվածի 30.01 կետում նշված ակումբի դիմումի և այլ հիմնավորող փաստաթղթերի հիման վրա, ՀՖՖ-ն քննարկում է տվյալ ակումբի անվանափոխությունը թույլատրելու վերաբերյալ հարցը: ՀՖՖ-ն իրավունք ունի հաստատելու կամ մերժելու ակումբի կողմից առաջարկվող նոր անվանումը:

30.04. ՀՖՖ-ի թույլատվության դեպքում միայն ակումբը կատարում է ակումբի նոր անվան գրանցումը ՀՀ պետական մարմիններում:

30.05. ՀՀ Պետական մարմիններում գրանցելուց հետո ակումբը դիմում է ՀՀՖ-ին՝ ակումբի անվանափոխության, ինչպես նաև իրավահաջորդության հաստատման հարցը ՀՀՖ-ի քննարկմանը ներկայացնելու նպատակով: Ակումբը ՀՀՖ-ին է ներկայացնում ակումբի ղեկավարի կողմից ստորագրված դիմում, պետական ռեգիստրի վկայականի քաղվածք և ՀՀՖ-ի որոշման պատճենը:

30.06. ՀՀՖ Մանկապատանեկան առաջնությունների հաջորդ մրցաշրջանում ակումբը նոր անվանմամբ իրավունք ունի մասնակցելու միայն վերոնշյալ գործընթացը անցնելուց և ՀՀՖ-ի հաստատման դեպքում:

30.07. Մանկապատանեկան ֆուտբոլի մրցումների մասնակից ակումբների թիմերի անվանումները պետք է համապատասխանեն հետևյալ բոլոր պահանջներին՝

ա) չունենա որևէ համընկնում ՀՀՖ ֆուտբոլի կառավարման համակարգում նախկինում և/կամ ներկայում գրանցված որևէ ակումբի կամ թիմի անվանման հետ,

բ) չունենա որևէ համընկնում ՀՀՖ-ի կողմից կազմակերպած մրցաշարերին մասնակցած որևէ ակումբի կամ թիմի անվանման հետ,

գ) ասոցացվի Հայաստանի Հանրապետության որևէ տեղանվան կամ պատմամշակութային արժեքի անվանման հետ:

30.08. Ակումբի կողմից նոր թիմի ստեղծման ժամանակ թիմի անվանումը պետք է սկզբնական մեջ ներառի ակումբի անունը:

Հոդված 31. Ակումբի վերակազմակերպումը կամ իրավական խմբի կառուցվածքի փոփոխությունները

31.01. Ակումբը պետք է գրավոր դիմի ՀՀՖ-ին՝ հայտնելով ակումբի ինքնության, իրավական խմբի կառուցվածքի, վերահսկող կողմի և դրա անդամների, կազմակերպաիրավական ձևի փոփոխության մտադրության մասին: Սույն գործընթացը պատշաճ կատարելու համար հարկավոր է ներակայացնել դիմում, որը պետք է ներառի հետևյալ տեղեկատվությունը.

ա) Ակումբի իրավական խմբի կառուցվածքի, վերահսկող կողմի և դրա անդամների, կազմակերպաիրավական ձևի փոփոխության,

բ) Ինքնության փոփոխության դեպքում՝ առաջարկվող նոր անվանումը, որը պետք է համապատասխանի սույն Կանոնակարգի 30.02 կետի պահանջներին,

գ) Ինքնության փոփոխության դեպքում անվան փոփոխության պատճառներն ու հիմքերը,

դ) Ակումբի իրավական խմբի կառուցվածքը ակնկալվող փոփոխությունից առաջ և հետո,

ե) Ակումբի վերահսկող կողմի, նախագահի և սեփականատերերի տվյալները ակնկալվող փոփոխությունից առաջ և հետո,

զ) Ակումբի իրավաբանական և գործունեության հասցեները ակնկալվող փոփոխությունից առաջ և հետո,

է) Ակումբի ղեկավարի կողմից հաստատված տեղեկանք՝ դիմումի ներկայացման օրվա դրությամբ ակումբի աշխատակիցների (այդ թվում քաղ. իրավական ծառայություններով ներգրավված անձանց և ֆուտբոլիստների), այլ ակումբների և ՀՀ հարկային և սոցիալական ապահովության պետական մարմինների նկատմամբ ֆինանսական պարտավորությունների մասին:

31.02. Սույն հոդվածի 30.01 կետում նշված ակումբի դիմումի և այլ հիմնավորող փաստաթղթերի հիման վրա՝ ՀՖՖ-ն քննարկում է տվյալ ակումբի անվանափոխությունը թույլատրելու վերաբերյալ հարցը: ՀՖՖ-ն իրավունք ունի հաստատելու կամ մերժելու ակումբի կողմից առաջարկվող նոր անվանումը:

31.03. ՀՖՖ-ի թույլտվության դեպքում միայն ակումբը կատարում է ակումբի նոր անվան գրանցումը ՀՀ պետական մարմիններում:

31.04. ՀՀ Պետական մարմիններում գրանցելուց հետո ակումբը դիմում է ՀՖՖ-ին՝ ակումբի անվանափոխության, վերակազմակերպման, իրավական խմբի կառուցվածքի փոփոխության, ինչպես նաև իրավահաջորդության հաստատման հարցը ՀՖՖ-ի քննարկմանը ներկայացնելու նպատակով: Ակումբը ՀՖՖ-ին է ներկայացնում՝

ա) ակումբի ղեկավարի կողմից ստորագրված դիմում,

բ) պետական ռեգիստրի վկայականի քաղվածք,

գ) ՀՖՖ-ի որոշման պատճեն,

դ) դիմումի ներկայացման նախորդող ամսվա վերջին օրվա դրությամբ հաստատված անկախ աուդիտորական եզրակացություն՝ ակումբի ֆինանսական հաշվետվությունների ՖՀՄՄ-ների համապատասխանելիության վերաբերյալ,

ե) դիմումի ներկայացման օրացուցային ընթացիկ տարվա հունվարի 1-ից մինչև դիմումի ներկայացման նախորդող ամսվա վերջին օրվա ժամանակահատվածը ներառող հավաստումներ առ այն, որ ակումբը չունի որևէ ֆինանսական պարտավորություններ աշխատակիցների (այդ թվում քաղ. իրավական ծառայություններով ներգրավված անձանց և ֆուտբոլիստների) և այլ ֆուտբոլային ակումբների նկատմամբ,

զ) հարկ վճարողի միասնական հաշվի քաղվածք, որը կհավաստի ակումբի ֆինանսական պարտավորությունների բացակայությունը ՀՀ հարկային և սոցիալական ապահովության պետական մարմինների նկատմամբ՝ դիմումի ներկայացման նախորդող ամսվա վերջին օրվա դրությամբ:

31.05. ՀՖՖ Մանկապատանեկան առաջնությունների հաջորդ մրցաշրջանում ակումբը նոր անվանմամբ և նոր իրավական խմբի կառուցվածքով իրավունք ունի մասնակցելու միայն վերոնշյալ գործընթացը անցնելուց և ՀՖՖ-ի կողմից հաստատման դեպքում:

Հոդված 32. Իրավահաջորդությունը

32.01. Ակումբների վերակազմակերպման դեպքում իրավահաջորդությունը կատարվում է ՀՀ օրենսդրության պահանջներին համապատասխան:

32.02. Եթե ակումբի վերակազմակերպումից կամ ինքնության փոփոխությունից առաջ ակումբը հանդիսանում է «Հայաստանի ֆուտբոլի ֆեդերացիա» հասարակական կազմակերպության անդամ, ապա անդամության փոխանցումը իրականացվում է ՀՖՖ Կանոնադրությամբ սահմանված ընթացակարգով:

ԳԼՈՒԽ 11: ԵԶՐԱՓԱԿԻՉ ԴՐՈՒՅԹՆԵՐ

Հոդված 33. Վեճերի լուծումը

33.01. Ֆուտբոլային սուբյեկտների միջև ծագած վեճերը, համաձայն ՀՖՖ կանոնադրության, քննարկվում և վերջնական լուծում են ստանում ՀՖՖ-ում:

33.02. Պայմանագրային հարաբերությունների հետ կապված վեճերը քննվում են միայն ՀՖՖ-ում գրանցում ստացած պայմանագրերի առկայության դեպքում:

33.03. Մրցումների անցկացման հետ կապված այն իրավահարաբերությունները, որոնք չեն կարգավորվում սույն Կանոնակարգով, ենթակա են կարգավորման ՀՖՖ-ի, ՈՒԵՖԱ-ի, ՖԻՖԱ-ի այլ նորմատիվ փաստաթղթերով:

Հոդված 34. Այլ դրույթներ

34.01. Սույն Կանոնակարգի որևէ դրույթի խախտումը կարող է առաջացնել ՀՖՖ Կարգապահական և Էթիկայի կանոնակարգով սահմանված պատասխանատվություն:

34.02. Առանձին դեպքերում, երբ խախտվել է կանոնակարգի դրույթ/ներ/ը, ակումբը կամ ակումբի որևէ պաշտոնյա իրավունք ունի ներկայացնելու բացատրագիր՝ ուղարկելով youthcompetition@ffa.am պաշտոնական էլեկտրոնային փոստի հասցեին և մանրամասն նշելով հիմնավոր պատճառները ոչ ուշ, քան երկու աշխատանքային օրվա ընթացքում:

34.03. Սույն կանոնակարգով չնախատեսված դեպքերում և արտակարգ իրավիճակներում վերջնական որոշումը կայացվում է ՀՖՖ-ի կողմից:

34.04. Սույն կանոնակարգը ուժի մեջ է մտնում հաստատման օրվանից և գործում է մինչև 2025-2026 մրցաշրջանի ավարտը:

ՀԱՎԵԼՎԱԾ 1: ԳԱՎԱԹԻ ԽԱՂԱՐԿՈՒԹՅՈՒՆՆԵՐ

1. 2025-2026 մրցաշրջանի Հայաստանի Գավաթի մանկապատանեկան խաղարկություններն անցկացվում են օլիմպիական մրցակարգով:

Գավաթի խաղարկությունները անցկացվում են Մ-18, Մ-17, Մ-16, Մ-15, Մ-14, Մ-13 և Մ-12 տարիքային խմբերում:
2. Հայաստանի Գավաթի խաղարկություններին մասնակցելու իրավունք ունեն Մ12-Մ18 տարիքային խմբերի այն թիմերը, որոնք հավաստագրման ժամանակ հաստատել են իրենց մասնակցությունը Գավաթի խաղարկությանը:
3. Հայաստանի Գավաթի մանկապատանեկան խաղարկություններին մասնակցում են՝
 - ՀՀ մինչև 18 տարեկանների գավաթի խաղարկություն՝ Մ-18Գ գավաթի խաղարկությունում իրավունք ունեն մասնակցելու մանկապատանեկան 18 տարիքային առաջնությունների/Ա/ խմբի թիմերը ,
 - ՀՀ մինչև 17 տարեկանների գավաթի խաղարկություն՝ Մ-17Գ գավաթի խաղարկությունում իրավունք ունեն մասնակցելու մանկապատանեկան 17 տարիքային առաջնությունների/ԱԲ/ խմբերի թիմերը ,
 - ՀՀ մինչև 16 տարեկանների գավաթի խաղարկություն՝ Մ-16Գ գավաթի խաղարկությունում իրավունք ունեն մասնակցելու մանկապատանեկան 16 տարիքային առաջնությունների/ԱԲ/ խմբերի թիմերը,
 - ՀՀ մինչև 15 տարեկանների գավաթի խաղարկություն՝ Մ-15Գ գավաթի խաղարկությունում իրավունք ունեն մասնակցելու մանկապատանեկան 15 տարիքային առաջնությունների/ԱԲԿ/ խմբերի թիմերը,
 - ՀՀ մինչև 14 տարեկանների գավաթի խաղարկություն՝ Մ-14Գ գավաթի խաղարկությունում իրավունք ունեն մասնակցելու մանկապատանեկան 14 տարիքային առաջնությունների/ԱԲԿ/ խմբերի թիմերը,
 - ՀՀ մինչև 13 տարեկանների գավաթի խաղարկություն՝ Մ13Գ գավաթի խաղարկությունում իրավունք ունեն մասնակցելու մանկապատանեկան Մ-13/Մ1-Մ4/ խմբերի թիմերը,

- ՀՀ մինչև 12 տարեկանների գավաթի խաղարկություն՝ Մ12Գ գավաթի խաղարկությունում իրավունք ունեն մասնակցելու մանկապատանեկան Մ-12/Մ1-Մ8/ խմբերի թիմերը,
- 4. Հայաստանի Գավաթի մանկապատանեկան խաղարկությունների մեկնարկից առաջ անցկացվում է վիճակահանություն: Վիճակահանությամբ որոշվում են առաջին փուլի զույգերը և խաղացանցում թիմերի դիրքերը: Զույգերում առաջինը նշված թիմը հանդիպումն անցկացնում է սեփական հարկի տակ: Եզրափակչում դաշտի տիրոջ կարգավիճակը որոշվում է վիճակահանությամբ:
- 5. Հայաստանի Գավաթի մանկապատանեկան խաղարկությունների առաջին փուլում նույն ակումբի թիմերը չեն կարող մրցել միմյանց դեմ:
- 6. Հայաստանի Գավաթի մանկապատանեկան խաղարկությունների բոլոր հանդիպումներն անցկացվում են 1 խաղով: Եթե խաղի հիմնական ժամանակն ավարտվում է ոչ-ոքի, ապա Մ-13-ից մինչև Մ-18 տարեկանների գավաթի խաղարկության ժամանակ նշանակվում է հետխաղյա 11 մետրանոց հարվածաշար (առանց լրացուցիչ ժամանակի), իսկ Մ-12 տարեկանների գավաթի խաղարկության ժամանակ՝ հետխաղյա 7 մետրանոց հարվածաշար (առանց լրացուցիչ ժամանակի):
- 7. Ֆուտբոլիստների, թիմի անձնակազմի անդամների և պաշտոնյաների՝ մանկապատանեկան բոլոր տարիքային խմբերի առաջնություններում ստացած դեղին և կարմիր քարտերը, ինչպես նաև որակագրկումները չեն պահպանվում Հայաստանի Գավաթի տարիքային խմբերի խաղարկությունների շրջանակներում և հակառակը՝ բացառությամբ ՀՖՖ Կարգապահական և Էթիկայի կոմիտեի որոշմամբ սահմանված որակագրկումների:
- 8. Գավաթի խաղարկությունների հանդիպումներին իրավունք ունեն մասնակցելու միայն տվյալ թիմում հայտավորված ֆուտբոլիստները:
- 9. Հայաստանի Գավաթի մանկապատանեկան խաղարկությունների հանդիպումներն անցկացվում են 2025 թվականի հոկտեմբերից մինչև 2026 թվականի հունիսը ներառյալ ընկած ժամանակահատվածում՝ բացառությամբ Մ-12Գ գավաթի խաղարկությունը, որն անցկացվելու է 2026 թվականի գարնանը:

ՀԱՎԵԼՎԱԾ 2: ՀՀ ՄԱՆԿԱՊԱՏԱՆԵԿԱՆ ՖՈՒՏԲՈԼԻ ՄՐՑՈՒՄՆԵՐԻ 2026-2027 ԹԹ. ՄՐՑԱՇՐՋԱՆՈՒՄ ԹԻՄԵՐԻ ԴԱՍԱԿԱՐԳՈՒՄԸ ԽՄԲԵՐՈՒՄ

Մանկապատանեկան բոլոր տարիքային խմբերի առաջնությունների A խմբերում նույն ակումբից իրավունք ունի մասնակցելու միայն մեկ թիմ, B խմբում՝ մինչև 2 թիմ, իսկ C խմբում՝ մինչև 4 թիմ:

- 2025-2026 մրցաշրջանի արդյունքներով մրցաշարային աղյուսակում A խմբի առաջնությանը վերջին տեղը զբաղեցրած թիմը կորցնում է հաջորդ մրցաշրջանում A խմբի առաջնությանը հանդես գալու իր իրավունքը և հաջորդ մրցաշրջանում կարող է մասնակցել միայն B խմբի առաջնությանը: B խմբի առաջնության մրցաշրջանի արդյունքներով մրցաշարային աղյուսակում առաջին տեղը զբաղեցրած թիմը հաջորդ մրցաշրջանում իրավունք է ստանում մասնակցելու A խմբում:

Եթե B խմբի առաջնության մրցաշրջանի արդյունքներով մրցաշարային աղյուսակում առաջին տեղը զբաղեցրած թիմի ակումբը ներկայացված է A խմբի առաջնությունում, ապա A խմբի առաջնությանը հաջորդ մրցաշրջանում մասնակցելու իրավունք ստանում է B խմբի առաջնության մրցաշրջանի արդյունքներով մրցաշարային աղյուսակում երկրորդ տեղ զբաղեցրած թիմի ակումբը:

Եթե երկրորդ տեղը զբաղեցրած թիմի ակումբը ևս ներկայացված է A խմբի առաջնությունում, ապա այդ իրավունքը փոխանցվում է երրորդ տեղը զբաղեցրած թիմին:

- 2025-2026 մրցաշրջանի արդյունքներով մրցաշարային աղյուսակում B խմբի առաջնությանը վերջին տեղը զբաղեցրած թիմը կորցնում է հաջորդ մրցաշրջանում B խմբի առաջնությանը հանդես գալու իր իրավունքը և հաջորդ մրցաշրջանում կարող է մասնակցել միայն C խմբի առաջնությանը: C խմբի առաջնության մրցաշրջանի արդյունքներով մրցաշարային աղյուսակում առաջին տեղը զբաղեցրած թիմը հաջորդ մրցաշրջանում իրավունք է ստանում մասնակցելու B խմբում:

Եթե C խմբի առաջնության մրցաշրջանի արդյունքներով մրցաշարային աղյուսակում առաջին տեղը զբաղեցրած թիմի ակումբը ներկայացված է B խմբի

առաջնությունում (երկու թիմ), ապա B խմբի առաջնությանը հաջորդ մրցաշրջանում մասնակցելու իրավունք ստանում է C խմբի առաջնության մրցաշրջանի արդյունքներով մրցաշարային աղյուսակում երկրորդ տեղ զբաղեցրած թիմի ակումբը:

Եթե երկրորդ տեղը զբաղեցրած թիմի ակումբը ևս ներկայացված է B խմբի առաջնությունում (երկու թիմ), ապա այդ իրավունքը փոխանցվում է երրորդ տեղը զբաղեցրած թիմին:

	ՀՖՖ ՄԱՆԿԱՊԱՏԱՆԵԿԱՆ ՖՈՒՏԲՈԼԻ ՄՐՅՈՒՄՆԵՐԻ ԱՆՑԿԱՑՄԱՆ ԿԱՆՈՆԱԿԱՐԳ (2025-2026 ՄՐՅԱՇՐՋԱՆ)	
<i>Հաստատված է՝ ՀՖՖ Գործադիր Կոմիտեի կողմից 27.08.2025թ.-ին</i>		<i>Ուժի մեջ է մտնում 27.08.2025թ.-ին</i>

«ՀԱՅԱՍՏԱՆԻ ՖՈՒՏԲՈԼԻ ՖԵԴԵՐԱՑԻԱ» ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅՈՒՆ
 ՄՐՅՈՒՄՆԵՐԻ ԲԱԺԻՆ
 ԽԱՆՁՅԱՆ ՓՈՂՈՑ 27
 ԵՐԵՎԱՆ, 0010, ՀԱՅԱՍՏԱՆ
 Հեռ. +374 10 30 50 50
 Էլ. փոս. YOUTHCOMPETITION@FFA.AM
WWW.FFA.AM